

DESCRIPTIO ET ADUMBRATIO
P L A N T A R U M
E C L A S S E C R Y P T O G A M I C A L I N N A E I
Q U A E
L I C H E N E S
D I C U N T U R.

VOLUMEN SECUNDUM.

AUCTORE
D. GEORG. FRANC. HOFFMANN

MED. DOCT. MEDIC. PROFESSOR. PUBL. ORDINAR.

HORTI R. BOTAN. PRAEFECTO, SOCIETATUM SCIENTIARUM GOTTING. LUGD. PHYSIOGR. LUND. HIST.
NAT. PARIS. ALIARUMQUE MEMBR.



LIPSIAE,
APUD SIEGFRIED LEBRECHT CRUSIUM,
c1o1occlxxxiv.

REVERENDISSIMO ILLUSTRISSIMO

ET

CLEMENTISSIMO DOMINO,

DOMINO

CAROLO THEODORO,

ARCHIEPISCOPATUS ET ELECTORATUS MOGUNTINI

NEC NON

EPISCOPATUS WORMATIENSIS COADIUTORI DIGNISSIMO ETC.

MUSARUM PATRONO

ET

IMMORTALI SCIENTIARUM ALTORI

H U N C F A S C I C U L U M

DEVOTE SACRAT

GEORG. FRANC. HOFFMANN.

T A B U L A XXV.

Fig. I.


CLADONIA CORNUTA.

Cladonia cornuta, subsimplex tubulata, caule ventricoso, apice
subulato, tuberculato.

Coralloides vix ramosum, scyphis obscuris Dill. musc. 90. t. 15. f. 14. A — E.

Lichen cornutus, scyphifer simpliciusculus, subventricosus, calycibus integris Linn. Syst. veg. 963.
Syst. pl. 553. Fl. suec. 1115. Leers. herb. 986. Web. spic. 214. Lightf. scot. 875. Ha-
gen. lich. 109. Relh. cant. 437 etc.

Varia ludit figura ut plerique hujus generis. Crusta foliacea, indetermi-
nata crispa, saepe imbricata, superne cinereo-viridis, inferne albida, etiam
terrea pulverulenta; ex hac cornicula creberrima, recta, vel plus minusve in-
flexa, modo laevia, modo villosa pulvere vestita, colore incano, ex glauco
cinereo et subvirente in recenti. Cornicula haec surgunt lente conica vel ex
angustiori basi in medio ventricosa, apicem versus acuminata, vel aequali lati-
tudine, apice modo acuto, integerrima ceterum, quandoque bifurcata et
subinde versus basin in ramos divisa, uncialia fescuncialia, intus cava, ad la-
tera saepe aperta. Praeter haec in aliis tenuioribus et magis cylindricis obtusis,
albido-flavescentibus, apparent coccinea tubercula, vel in scyphos quasi am-
pliata cornicula fungosis fuscis tuberculis obfita.



Locus. Passim in ericetis inque arborum putrescente cortice non infrequens, intermixtis aliis consimilibus.

Observatio. Cladoniae nomen iis imposui Lichenibus caulescentibus cavis, tuberculis saepissime terminatis.

Explicatio Figurarum.

Cespes pingitur ligno putrescente innascens.

- a.* Cornicula juniora e disco foliorum surgentia, inter haec alia acuta, alia apice truncata et quasi inflexa.
- b.* Cornicula arcuatim flexa vel curvata, erecta et indivisa.
- c.* Cornu bifurcatum.
- d.* Cornicula in scyphum quasi ampliata tuberculisque subfuscis margine obsita; alia litui instar reflexa, apiceque contracta et truncata, undique foliosis squamis obducta et e dorso prolifera.





T A B U L A XXV.


Fig. 2.

S Q U A M A R I A S T Y G I A.

Squamaria Stygia, foliis subimbricatis multifidis palmatis recurvis atris.

Lichen stygius, imbricatus, foliolis palmatis recurvis atris Lin. syst. veg. 959. syst. pl. 533. Fl. suec. 1079. Gunn. norv. 550. Retz. scand. 1350. Enum. Lich. 75. t. 14. f. 2.

A. L. omphalode et fahlunensi distinguenda planta e foliolis lineari-multifidis, repetito per dichotomiam divisis composita, in orbem quasi sed irregularem expansa. Foliola congesta et imbricata, apicem versus nitida subconvexa palmata recurva: laciniis extremis bifidis vel emarginatis obtusis; superior facies ex castaneo atra, nescio tamen quid purpurascentis admixta habet; inferior medium versus aterrima, sensim vero ex nigro in fuscum diluta, nigris cirris etiam in extremis foliorum finibus radicata. Scutellae numerosae, planiusculae orbiculatae, foliolis concolores, concaviusculae juniores; margine quasi contracto et crenulato, demum amplissimae, iniquae



figurae: incisae lobatae crenulatae. Substantia in siccitate diffracta interne albida.

Locus. In rupibus et petris Norlandiae, Scandinaviae, Sueciae, imprimis in insula Baltici Blåkulla.



Explicatio Figurae.

Hujus Lichenis expansus in orbem quasi cespes, qualis in Suecia collectus mecumque benigne a cl. Ehrhart communicatus ficans apparebat.



T A B U L A XXVI.

Fig. 1.

T A B U L A XXVII.

Fig. 2.

P A T E L L A R I A V I T E L L I N A.

Patellaria vitellina, crusta leprosa vitellina, patellis con-
coloribus.

Lichen vitellinus, Ehrh. plant. crypt. exsicc. dec. XVI. iiii.

In superficie putrescentis asseris nigrescente, leprosa ad lentem granulosa crusta adparet eleganter vitellina, quae patellarum copia ejusdem coloris undique oblita est. Patellae planiusculae sunt plus minusve orbiculares, disca et margine obtuso, luteo. Aetate crusta, ab initio tenuiter sparsa, crassior fit, rimosa verrucosa; haecenus affinis priori, sensim vero luteus color obfuscatur, patellae impressae quasi in naturam crustae, vel tamen parum elevatae confertae, partim lividae, partim subfuscae fiunt, tumque tenui ac crispo, luteo tamen margine cinctae, figurae iniquae, exceptis junioribus, intermixtis forma priorum.

Locus. Ad ligna sicca sepium ex asseribus factarum.

Vol. II. Fascic. I.

B



Explicatio Figurarum.

Tab. XXVI. Fig. 1. Secamentum ligni undique tenui crusta ac patellis oblitum.

a. Particula ad lentem observata.

Tab. XXVII. Fig. 2. Secamentum asseris crassiori crusta, et impressis magis in eam patellis, naturali forma depictum.

a. Particula ubi patellae penitus subfuscae apparent.

b. Alia vetustior et in verruculas quasi elevata crusta, quae colorem luteum plane in nigricantem mutaverit.





T A B U L A XXVII.

Fig. 2.

USNEA OCHROLEUCA.

Usnea ochroleuca, filamentosa erecta dichotomo-ramosa: ramis divaricatis, apicibus furcatis nigris.

Lichen *ochroleucos*, filamentosus, dichotomo-ramosus, teres, erectiusculus, inarticulatus inanis ochroleucos; ramis divaricatis: apicibus furcatis nigris. Ehrh. Beitr. 3. p. 82.

Cauliculi implexi teretes, dichotomo ramosi, farinaceis tuberculis hinc inde efflorescentes, vel incrassati prope divaricationes, in plures ramos divaricatos sensimque tenuiores valgiter divisi et subdivisi, ultimis finibus capillaceis, furcatis nigricantibus. Substantia in sicco rigidiuscula, madefacta flexilis, intus albida medulla farcta. Superficies glabra subnitens. Color ochroleucus, seu ex pallide flavo in viridem tendens.

Locus. In summis Harcyniae montosis cl. Ehrhart legit mecumque benigne communicavit.



Observatio. Non recedunt quoad descriptionem: Lichen fruticosus levis diffusus ramosissimus flavus, ramulis viventibus Hall. hist. 1964, et Lichen *pallidus*, fruticulosus ramosissimus pallide sulphureus, ramis amplexis apice viridi-nigricantibus, farinoso-tuberculatis. Retz. prodr. scand. 1417.

Explicatio Figurarum.

Usneae cespes naturali magnitudine. Color exhibetur ad exemplar intra chartam siccatum.

a. Ramuli apices ad vitream lentem conspecti.





T A B U L A XXVI.

Fig. 3.

U M B I L I C A R I A V E L L E A.

Umbilicaria vellea, superne glabra, subtus hirsutissima, margine crinita.

? Lichen *velleus*, umbilicatus, subtus hirsutissimus Linn. syst. veg. 962. Syst. pl. 548. Fl. suec. 1103. Retz. scand. 1380. Gunn. norv. 555 etc.

Lichen polyrhizus, umbilicatus, polyphyllus superne glaber, inferne niger et cirrosus. Lightf. scot. 864.

Scalopodora Phytophyl. Ehrh. 80.

Folia in meis exemplaribus umbilicali radice carent, concaviuscula, uncialia biuncialia, subrotunda, per margines in varias lacinias plicatas rotundatas divisa et cirrosa. Facies superior glabra, hinc nigris granis semiglobosis, in substantiam folii saepius impressis, et ad vitream lentem eleganter ac varie contortis, inde tenuissimis punctis conspersa. Color ex rufo vel cinereo fusco-fuliginosus. Facies prona aterrima et hirsutissima seu cirris brevibus atris (ad vitream lentem arbuscula quasi ramosa et implexa) dense undique obducta. Cirri ultra folii margines continuo prominent; si explicantur granula contorta hisce admodum similia fiunt, arbuscula nempe ramosa. Substantia coriacea, in siccitate rigida, madefacta mollior ac flexilis.



Locus. Depicta exemplaria debeo liberalitati cl. Ehrhart Upsaliae lecta.

Observatio. Dilleni figura a Linnaeo aliisque sub hoc nomine citata, multis modis, ut nihil de magnitudine et cirrorum marginalium defectu dicam, satis superque a nostra differre videtur.

Explicatio Figurarum.

- a.* Simplex folium in ficcitate pictum innumeris pertusum nigricantibus punctis, a superiori et
- b.* ab inferiori facie.
- c.* Aliud tuberculis seu granis conspersum, cujus
- d.* particula ad lentem aucta.
- e.* Tuberculum simplex ad lentem magis augmentem conspectum, nodorum e leta equina instar confectorum varie textum.





T A B U L A XXVII.

Fig. 1.

V E R R U C A R I A V E N T O S A.

Verrucaria ventosa, tartarea glebulosa flavescens; verrucis marginatis cruentis.

Lichen ventosus, leprosus flavus tuberculis rubris. Einn. syst. veg. 957. syst. pl. 526. Lightf. scot. 806.

Lichen flavescentis, crustaceus verrucosus flavescens, scutellis rubris margine albo. Linn. syst. veg. 958. Jacq. misc. 2. p. 79. t. 9. f. 1.

Lichen cruentus. Web. spic. 134. t. 1. Leyf. hal. 2. 1137.

Chlor. lugd. 34. Roth, germ. 4. 7.

Lepadolemma Phytophyl. Ehrh. 30.

Crusta late diffusa crassa verrucosa rimosa, ex glebulis aliis majoribus convexis, aliis minoribus granulosis dense conflata, lineam et ultra crassa, a lapide in frusta abscindenda; recens flavo-virescens, aetate color sordidus ex ligneo glaucus fit. Basis crustae etiam transversim sectae ultra mediam partem albissima. Verrucae rubrae cruoris sanguinis colore, nitentes, ubique per crustae superficiem sparsae, planiusculae depressae irregulares, minores tamen orbiculatae, margine tenui plerumque crustae concolore, in quibusdam albicante cinctae. Per aetatem etiam in siccitatem verrucae colore magis ex nigricante sanguineo tinctae, hinc inde etiam convexae sine margine. Nigricantia ocella hinc inde sparsa, et cum glebulis elevata.



Locus. In Alpium rupibus et summis montosis Germaniae: Hercyniae Carinthiae, Sueciae, Angliae et Galliae.

Observatio. Exemplaria depicta ad saxa montis Bruçteri in Hercynia a cl. Ehrhart lecta nequidquam differrunt a ventoso Linnaei in Suecia lecto ut viva planta edocemur, ideoque planta eadem, nomina diversa.

Explicatio Figurarum.

- I. Crustae fragmen nativa forma ac colore.
 - a. b. Glebulae ad lentem vitream conspectae.
 - c. Particula crustae obscurioribus verrucis.
 - d. Annosior Lichen, naturali forma.





T A B U L A XXVIII.

Fig. 1—2.

T A B U L A XXIX.

Fig. 4.

U M B I L I C A R I A P U S T U L A T A.

Umbilicaria pustulata, superne furfure nigro adsperso, subtus lacunosa.

Lichen crustae modo saxi adnascens, verrucosus, cinereus et veluti deustus. Vaill. parif. t. 20. f. 9.

Lichen pulmonarius saxatilis, inferne reticulatus et lacunatus, superne cinereus ac verrucosus, receptaculis florum et seminibus nigricantibus. Mich. gen. 89. ord. 18. t. 47.

Lichenoides pustulatum cinereum et veluti amustum. Dill. musc. 226. t. 30. f. 131.

Lichen fronde cinerea, inferne lacunata, arbusculis superne nigris. Hall. hist. 1996.

Lichen *pustulatus*, umbilicatus folio coriaceo suborbiculato, libero, marginibus lacero-lobato; supra cano-cinerafcente, pustulis inflatis papillofisque obfuso; fascia marginali atra ex furculis coralloideo-racemosis; subtus cinereo-fuscescente ex lacunis subreticulato. Wulf. Jacq. coll. 2, 188.

Lichen *pustulatus*, umbilicatus, subtus lacunosus, furfure nigro adpersus. Linn. syst. reg. 809. Syst. pl. 548. Fl. Suet. 1107. Gort. belg. 310. Gunn. norv. 552. Pollich, palat. 1120. Neck. meth. 75. Leers, herb. 979. Weber, spicil. 260. Fl. dan. 597. f. 2. Retz. scand. 1382. Hudf. angl. 2. 549. Lightf. scot. 858. Allion. ped. 2571. Chlor. lugd. 36. Leyf. hal. 2, 1159. etc.

Scutiformi tophaceo et brevi pediculo folium saxi adnatum, jam solitarium, jam aggregatum, concaviusculum rotundatum, per margines in segmenta rotunda breviora et latiora divisum, vel profundius incisum crenulatum. Facies superior ex albido vel incano cinerafcente, ad marginem fuliginosa, in hu-



mido fordide virescens, innumeris inflatis convexis oblongis rotundis, interdum medio depressis pustulis obsita, circa umbilicum et versus marginem pedetentim minoribus. Vitro inspectae granulosaе sunt et aspredine quadam excisae, quae granula in medio umbilico confertissima absque lente conspicua. Praeterea in junioribus late oram occupant confluentes glomeruli aterrimi furfuracei, in adultioribus sparsim per superficiem dispositi; ad lentem nigerri-mae arbusculae sunt, ut in solitariis videre est, stipite instructae, apice arbusculi instar racemoso-ramulosae, crispae.

Scutellae in hoc lichene rarissime occurrunt, tamen in maximis palmari-bus speciminibus adsunt, orbiculares interpositae pustulis, nigrae, planiusculae, margine tenui concolore cinctae. Facies prona nigricans, ambusta quasi ver-sus marginem hinc inde e cinereo caeruleascens, glabra, nullis radiculis praeter medium pediculum donata, tota lacunata, reti eminente (ad lentem eadem aspredine excisa ut pustulae) ex interceptis foveis, quae superioribus pustulis respondent, intus atris. Substantia in siccitate fragilis, intercepta inter utramque paginam albida medulla, madefacta coriacea flexilis.

Explicatio Figurarum.

Tab. XXVIII. 1. Ex maximis specimen, a superiori facie et intra chartam siccatum depictum, in quo scutellae

- a. per frontem sparsae facile observantur. Debeo cl. Ehrhart ex iis hoc, quae Upsaliae leges cum scutellis ab eo collecta, vide cl. viri Beiträge. Vol. 5. p. 57,
2. Facies ejusdem speciminis interior.

Tab. XXIX. Fig. 4. Lichen noster magnitudine ac forma magis obvia, color qualis hu-mectatus prodire solet, a superiori parte depictus.



T A B U L A XXIX.

Fig. 1—3.

CLADONIA SUBULIFORMIS

Cladonia subuliformis, simplex tubulata, caule adscendente tereti filiformi-subulato, candido.

Lichen subuliformis, fruticulosus tubulosus, filiformi-subulatus, simplex, cespitosus, adscendens, laevis, albissimus, ramulis paucissimis, brevissimis, saepe nullis. Ehrh. Beitr. 3. p. 82.

Lichen vermicularis, fruticulosus diffusus teretiusculus subulatus subramosus candidus, tuberculis lateralibus globosis. Dickf. fasc. 2, 23. t. 6. f. 10.

Credas cum taurico Wulfenii eandem esse speciem proxime describendam, caulium vero simplicitate ac tenuitate, ut nihil dicam de niveo candore, differre aliquomodo videtur. Cespes ex cauliculis sine ordine implexis, vel simplices tubuli muscis intertexti, varia longitudine, teretes, lineares flexuosi, sensim acuminati, basi simplices, apice quandoque sed rarius bifurcati; brevissimi hinc inde laterales ramuli exeunt, saepe tuberculis, ad latera sitis non absimiles. Color in siccitate albissimus. Substantia intus cava, fragilis in sicco, tenax ac flexilis humectata. Senescens vel destructa planta, etiam basis tubulorum fit cinerea.



Locus. In summis montosis, alpinis Suec. Scot. Germaniae, Hercyniae
legit depicta exemplaria cl. Ehrhart.

Explicatio Figurarum.

1. Muscis intertexti cauliculi, semipedales non raro.
2. Extricati alii simplices.
3. Cespes ramulorum, nativa forma ac habitu.





T A B U L A X X X.

Fig. I.

U S N E A H I R T A.

Usnea hirta, filamentosa erecta ramosissima, verrucosa.

Usnea vulgarissima tenuior et brevior sine orbiculis. Dill. musc. 67. t. 13. f. 12.

Lichen barbatus, teretibus cauliculis, ramis simplici parallelis. Hall. hist. 1973.

Lichen *hirsus* filamentosus ramosissimus erectus, tuberculis farinaceis sparfis. Linn. syst. veg. 964.

Syst. pl. 560. Fl. suec. 1123. Gunn. norv. 572. Gort. belg. 314. Weib. Gött. 101.

Pollich, palat. 1132. Neck. meth. 69. Leers, herb. 999. Hudf. angl. 2, 560. Lightf.

scot. 895. Hagen, lich. 137. Leyf. hal. 2, 1173. Allion. ped. 2595. Chlor. lugd. 37.

Relh. cant. 440. Roth. germ. 516. Schrank, baier. Fl. 1561. Baumgarten, lipz. 1450 etc.

A frequenti (L. florido) differt praecipue colore dilutiori e cinereo viridi vel flavescenti albido, nec non crescendi modo. Ex lignosa basi rami confertissimi et densi exeunt, juniores ex communi basi numerosiores breviores, secundum longitudinem; adultiores paulo supra eam magis divaricati et diffusi, ramulis tenuibus serpentinis teretibus undique brachiati, fibris capillaribus rectis obducti.

Variat magnitudine. Alii enim unciales ad ligna arida et exsucca, magis globati. Alii majores saepe undique farinosis tuberculis seu verrucis peni-



tus obdecti et parum ramosi. Ceterum cortex farinaceis et exiguis tuberculis vel proliferis fibris scaber, articulatim rumpitur, filo per medium ducto albedo tenaci. In humido planta mollis, in siccitate rigidior, tamen flexilis.

Locus. Ad truncos arborum, in omnibus sylvis, dumetis, sepibus annosis ubique obvia, etiam supra saxa et rupes.

Explicatio Figurarum.

Planta adultior, naturali magnitudine.

a. Corticis particula in articulos disrupta, ad lentem.





T A B U L A XXX.

Fig. 2.

USNEA FLORIDA.

Usnea florida, filamentosa ramosa erecta, orbiculis radiatis.

Muscus ramosus floridus. Tabern. 808.

Muscus arboreus cum orbiculis. C. B. pin. 361.

Musco-fungus arborum capillaceus, scutis amplis per ambitum pilis radiatis. Morif. hist. 3. p. 635. t. 7. f. 4.


Lichen capillaceus ex cinereo rutilo, receptaculis florum subcinereis et barbatis. Mich. gen. p. 72. t. 39. f. 5.

Usnea vulgatissima tenuior et brevior cum orbiculis. Dill. musc. 69. t. 13. f. 13.

Lichen barbatus, ramis teretibus, furculis parallelis simplicibus, scutellis radiatis. Hall. hist. 1972.

Lichen *floridus*, filamentosus erectus, scutellis radiatis. Linn. syst. veg. 965. syst. pl. 561. Fl. succ. 1130. Hort. cliff. 477. Gort. belg. 314. Gunn. norv. 739. Leers herb. 1000. Pollich, pal. 1134. Weis, crypt. 102. Scop. carn. 139. Neck. meth. 69. Hudf. angl. 2560. Retz, scand. 1415. Chlor. lugd. 37. Allion ped. 2597. Lightf. scot. 897. Relh. cant. 897. Wild. berol. 1035. Roth, germ. 514. Schrank, baier. Flor. 1559. Baumg. lipf. 592. etc.

Color magis obscure et ex cceruleo viridis, in crassioribus ramis rutilus, pro portione plantae magnis, parum ceterum ramosis teretibus rectis, fibris capillaribus horizontalibus dense obductis. Orbiculi terminales, superne laeves concaviusculi, pallidi, flavescentes, per ambitum fibrillis sat longe protensis radiatim obvallati, saepius etiam ex inferiori pulverulenta virescenti convexa parte oriundis, iterumque ramosis vel fibrosis praefertim ramulo, cui insidet orbiculus,



in reflexam et longam fibrillam educto. Magnitudine saepe unciali diametro occurrunt. Farinosis tuberculis uti prior exasperatus, et articulatum discedit cortex.

Locus. In sylvis ad Fagorum, Quercuum corticem, ad rupes etiam et saxa non infrequens.

Observatio. Alii pro varietate habuere prioris, alii sexu ab eo differre scribunt. Vires praecedenti et florido adstringentes tribuunt. Usneas non male in articulatas et inarticulatas seu intus cavas separari posse bene monuit cl. Ehrhart (Beitr. 3. p. 83)

Explicatio Figurarum.

Planta magnitudine ac habitu naturali.

- a. Corticis particula in articulos fissa, et ad lentem observata.





T A B U L A X X X.

Fig. 3.

V E R R U C A R I A G R A N U L O S A.

Verrucaria *granulosa*, farinoso-granulosa albida, verrucis fusco-carneis sessilibus.

Lichen *granulosus*, Ehrh. plant. crypt. dec. 15. 145.

Granulosa crusta nudis oculis quasi farina terrae inspersa adparet, ad lentem ex innumeris albidis granulis hinc inde virescentibus, cohaerentibus composita, quibus immixtae sunt verrucae convexae, rotundae, oblongae, sparsae vel confertae, hinc inde aliae subsidentes lividae scutelliformes observantur. Color plus minusve ex carneo vel subfusco in rubrum vergit. Substantia carnosae.

Locus. Terrae instratam Hannoverae legit cl. Ehrhart.

Explicatio Figurarum.

Glebula hujus plantulae naturali forma cujus particula ad lentem picta extensior paulo naturali forma.



REVERENDISSIMO AC CELSISSIMO
S. R. I. PRINCIPI AC DOMINO
D O M I N O
FRANCISCO LUDOVICO,
DEI GRATIA
EPISCOPO BAMBERGENSI ET WIRCEBURGENSI
FRANCIAE ORIENTALIS DUCI ETC. ETC.
DOMINO DOMINO LONGE CLEMENTISSIMO,
DE PUBLICA SALUTE BENEMERENTISSIMO
MUSARUM OMNIUMQUE ARTIUM AC SCIENTIARUM
PATRONO
H U N C F A S C I C U L U M
DEVOTE SACRAT
GEORG. FRANC. HOFFMANN.

T A B U L A XXXI.

Fig. 1.

P L A T I S M A D E N U D A T U M.

Platisma *denudatum*, foliaceum suberectum laciniato-laceratum, scutellis denudatis fulvis.

Lichenis *chrysophthalmi* varietas. Jacq. collect. 1, 117. t. 4. f. 3, a, b.

Cespes uncialis sescuncialis ex una radice multiplex, in plures cauliculos laceratos expanditur. Cauliculi caeterum suberecti sunt et implexi, compressi lacunati: laciniis apice subdivisis, angulis rotundatis dilatatis; apice et margine sine ordine in tenues et spinosas lacinulas abeuntes; inferius substriati ex rugositate, vel canaliculati. Color in madefacta planta ex cinereo virescens, in sicca potius ex flavescente cinereus. Substantia rigidiuscula solida, aqua irrigata flaccescit. Scutellae terminales liberae, frequentes in ramulis crassioribus, concaviusculae vel planae, varie flexae, margine quidem cinctae, sed in minoribus tantum integro, in reliquis vel undulato vel denticulato; ciliatis hinc inde denticulis brevissimis. Color disci desuper ex aureo fulvus fuscus, inferne rugoso-lacunofus cinereus, foliolorum quasi propago.

Locus. Ex America septentrionali primum accepit D. Pott, archiater brunsvicensis, cui etiam grato animo depicta exemplaria debeo. De jacquiniana planta non est cur amplius dubitem. Exemplaria enim ejusdem Liche-

Vol. II. Fasc. II.

G



nis ad Cel. *Sibthorp* missa fuere a D. *Pott*, illaque ipsa delineata a D. *Jacquin*. Lichen *chrysophthalmus*, foliaceus subimbricatus-linearis lacerus ciliatus, pel-
tis elevatis radiatis fulvis Linnaei, quoad definitionem valde ad hunc accederet,
sed etiam ad Lichenem nostrum armatum.

Explicatio Figurarum.

Integer cespes naturali forma ac magnitudine colore, qualis paulum aqua irrigato Lichen
prodibat, depictus.

a. Ramulus solitarius, ad normam jacquinianae figurae ope lentis modice augmentis delineatus.



T A B U L A XXXI.

Fig. 2.

CORALLOIDES GLOBIFERUM.

Coralloides globiferum, ramosum solidum: ramulis globiferis,
latere fibrillosis.

Lichen fruticosus, coralloides, non tubulosus, cinereus, ramosissimus, receptaculis florum sphaericis, concoloribus Mich. gen. 103. t. 39. f. 6. (mediocr. et nimis crassa).

Coralloides cupressiforme, capitulis globosis Dill. musc. 117. t. 17. f. 35. (mediocr.)

Lichen *globiferus*, fronde tereti ramosa: tuberculis globosis cavis terminalibus Neck. meth. 67.

Lichen *globiferus*, fruticulosus solidus ramosissimus: ramulis teretibus acutis furcatis; tuberculis terminalibus globosis Hudf. angl. 2, 558. (var. β . *L. fragilis*).

Lichen *fragilis globiferus* Web. spicil. 258. 7.

Lichen *globiferus* Ehrh. plant. crypt. exsicc. dec. 2, 20.

Lichen *globiferus*, fruticulosus solidus laevis, tuberculis globosis cavis terminalibus Linn. syst. veg. 963. Syst. pl. 556. Retzius, scand. 1403. Lightf. scot. 887. Roth, germ. 514. Schrank, baier. Fl. 1558.

Cespites saepius palmares depressi, ex fruticulis ramosis adscendentibus compositi, colore in recenti e cinereo glauco vel viridante, per aetatem et inferius magis cinereo seu arenacco, etiam hinc inde ex fulvo obsolete albicante. Superficies glabra. Rami majores divaricati sesqui-vel bipollicares teretes, ad angulum divaricationis subcompressi, inaequales. Ultimae ramulorum fines in breves capillares fibrillas terminatae, quales obtusiusculae et fastigiatae fibrillae etiam ad latera ramorum, vel ex basi copiose progerminant. Natura mollis aqua irrigata, sicca rigidior, solida, tamen flexilis; intus albida medulla



farcta, qua terrae incumbit parte denudata. Tubercula crassioribus insident ramulis, eosque terminant, colore et natura a ramulis non diversa; per maturitatem autem globosa tubercula apice dehiscunt in tres quatuorve partes, sensim ampliantur, et nigram intus contentam pulverulentam massam expellunt; ultimo plane hiant, et scutellae excavatae formam acquirunt.

Locus. In montosis Europæ. Ad saxa montis Bruçteri Hercyniae, in rupibus perpendiculariter erectis Angliae, Cambriae, Scotiae; locis sylvaticis Smalandiae et Scandinaviae.

Observatio. Sapor vix aliquis. Odor in recenti peculiaris, adversus, mucidus.



Explicatio Figurarum.

Cespes mediae magnitudinis, exsiccati intra chartam Lichenis.

a. Ramulus nativæ magnitudinis ac colore ex recente planta.



T A B U L A XXXII

Fig. 1.

S Q U A M A R I A R U B I N A.

Squamaria rubina, foliis subimbricatis pulposis lobatis crenatis cinereis, scutellis pallide rubinis.

Uncialis rofula e foliolis pulposis versus centrum crassioribus conflata, subimbricatis margine obtuse lobatis crenulatis, convexiusculis et quasi contractis; desuper lividis vel e virescenti pallide cinereis, ad marginem nigra quasi linea litis, ab emicante inferiore superficie, plane nigricante et convexa. Superficies hinc inde etiam nigris punctis perforata. Scutellae dense congestae, in monticulos quasi elevatae, penitus mediam rofulae partem obtegunt, lentis majores magnitudine, et elegantis coloris pallide rubini, concaviusculae varicque flexae, tenui, foliolis concolore crenulato margine cinctae.

Locus. Ex Alpibus gallicis a cel. Latourrette, sub nomine Lich. rubini Lamarkii exemplar depictum accepi.

Explicatio Figurae.

Rofula naturali forma, qualis chartae adglutinata adparebat, delineata.



T A B U L A XXXII.

Fig. 2.

S Q U A M A R I A P U L L A.

Squamaria pulla, imbricata, foliolis multifidis subteretibus oblongis punctatis, scutellis rufo-fuscis.

Lichen pulmonarius, saxatilis, farinaceus, ex fusco nigricans, foliis angustissimis et creberrimis, receptaculis florum ferme nigris Mich. gen. 95. t. 51. f. 6. (quoad saltem figuram.)

Lichen fuscus, imbricatus, foliolis multifidis linearibus subfuscis, scutellis fusco-atis Hudf. angl. 2, 533? Enum. lich. 73.

Lichen pullus, imbricatus foliolis perangustis implexis laciniatis fuscis, superne convexis, apicibus demissis; scutellis pullis Lightf. scot. 825.

Peculiaris Lichen a paucis sollicite observatus. Cespitose et squamatim nasci solet, foliolis dense et imbricatim congestis, nunc perangustis linearibus subteretibus ramosis et implexis, cinereo fuscis, nunc brevioribus digitatis apicibus oblongis, fuscis, quasi inflatis, neque tamen intus cavis, nunc denique ad marginem cespitis aliis latebentibus lobatis contractis; omnes simul saepe in eadem rosula. In superficie cinerea, viridi-fusca, hinc inde nigra puncta observantur innumera. Inferne penitus nigricat et crustam cohaerentem efformat, denudata hinc inde interiore candicante natura. Ob brevitatem ramulorum Lichenem papillarium Ehrh. diceret. In utraque superficie fere convexa adparent foliola, substantia lenta membranacea fere ut in *Lichophysode*. Scutellae per superficiem sparsae sessiles concavae, rubro-fuscae,



margine irregulari tenuissime inciso vel crenulato, foliis concolore cinctae. Observo hinc inde per superficiem cespitis granulosa acervula.

Locus. Rupestris Lichen, in Scotia primo lectus; habeo etiam ex Bruclero monte Hercyniae.

Explicatio Figurarum.

- a. Cespes rosaceus ex brevioribus foliolis, quorum
- C. apices digitati oblongi fusci per lentem pinguntur.
- b. Alius longe tenerior cespes, ex linearibus foliolis plane confatus, scutellisque in medio ornatus. Omnes figurae nativa forma ac colore, quales in siccitate adparebant.



Fig. 3.

Patellaria *vesicularis*, polymorpha, tuberculis fungosis nigris
cinereisque mixta.

Locus. Ad terram substratis Muscis, non rara per Germaniam.

Observatio. Nullus, quantum scio, hujus Lichenis polymorphi accuratam descriptionem tradidit, etiam si a diversis sub diversa denominatione obtinui. Sicque cl. Ehrharto dicebatur Lich. *graniformis*, D. Latourrette Lich. *polymorphus*, D. Wildenow *Verrucaria grisea*. Forsan etiam hujus loci: Lich. *caeruleo-nigricans*, leprosus caeruleescens, tuberculis nigricantibus Lightf. scot. 805, Lichenoides granosum subglaucum, tuberculis planis nigricantibus Dill. musc. 544. t. 82. f. 2. —? Lichen *paradoxus* Ehrh. plant. crypt. d. 20, 206, facile cum nostro in unam conflueret speciem.

Explicatio Figurarum.

- a. Crusta sicca hujus Lichenis.
- b. Crusta madefacta.
- c. Particula crustae ad lentem modice augmentem conspecta, in qua facile tubercula fungiformia, verrucae nigrae et patellae distingui queant.
- d. Singula fungiformia tubercula madefacta.

T A B U L A XXXIII.

Fig. 1.

P A T E L L A R I A C E R I N A.

Patellaria cerina, crustacea cinerea, patellis cerinis albido-marginatis.

Lichen cerinus, truncō tenerrimo crustaeformi albido; scutellis concoloribus, disco luteo Hedw. musc. frond. T. 2. p. 62. t. 21, f. B.

Lichen cerinus Ehrh. pl. exsicc. dec. 22, 216.

Crusta expansa cohaerens cinerea, vel paulo obscurioris coloris, ex compacta et aequabili quasi farina conflata, in annosiori magis elevata et glebulosa. Ex hac patellae propullulant ab initio aegre visibiles granulosaе, per superficiem aequabiliter dispersae, sensim vero coeuntes acervatae, disco explanato concaviusculo, cerae flavescentis, in humido viridescentis colore, margine integerrimo albido circumseptae; quo demum attenuato et flexuoso discus magis complanatus et irregularis fit, altiore colore tinctus.

Locus. In arborum rimoso cortice. Cl. Ehrhart primum ab aliis separavit.

Observatio. Nostra forsan pro varietate Lich. subfusci olim habita, sub quo vero amplius militare nequit, constantem enim et semper diversam ostendit fabricam. Punctula nigra et radices observare non contigit.

Explicatio Figurarum.

a. Corticis fragmen tectum crusta et patellis.

b. Particula ejus ad lentem vitream considerata, qualis in siccitate adparebat.

T A B U L A XXXIII

Fig. 2.

P A T E L L A R I A C A N D I D A.

Patellaria candida, crusta conglomerata candida, patellis
glaucocinereis.

Lichen candidus, crusta albissima sublobata, tubercula glauca caerulescentia Web. spic. 249.


Lichen candidus Ehrh. plant. exsicc. dec. 5, 49.

Crusta satis crassa, quasi ex glebulis candidis intermixtis nigris acervulis composita, alterne altior et depressior sicque undosa, ad marginem in obscuros lobos varie expansa, finibus tamen contractis, arcte terrae vel Muscis destructis inhaerens. Patellae interspersae accuratius inspectae, quasi nebula glaucocaeulescente obductae, non magnae quidem sed crassiusculae adpressae, margine vix prominulo obtuso in circulum ducto, hinc inde in adultioribus crispo undulato, oblinitae; coloris quidem nigricantis, aetate tamen aegre a crusta adjacente discernendo. Natura tartarea, inter digitos friabilis, irrigata mollior, tenaciter colorem servans.

Locus. Ad Europae varias rupes, substrato tamen semper Musco vel terra. In Bruçteri faxis non infrequens.

Explicatio Figurarum.

- a. Lapidis frægmen, cui sparsim innascuntur hujus Lichenis acervuli.
- b. Crusta nuda, partim terrae partim Muscis inhaerens, cujus particula
- c. ad lentem vitream augetur, quo melius scutellarum forma conspici queat.



T A B U L A XXXIII.

Fig. 3.

CORALLOIDES FRAGILE.

Coralloides fragile, ramosum solidum, ramis teretibus fastigiatis, globiferis solitariis.

Coralloides alpinum, *Corallinae minoris* facie Dill. musc. 116. f. 34. (mediocris).

Lichen erectus ramosissimus, ramis teretibus nudis filiformibus. Fl. lapp. 440. t. 11. f. 4. (mala).

Lichen fragilis, fronde tereti, ramosa; ramis obtusis Neck. meth. 67.

Lichen fragilis, fruticulosus solidus laevis, ramulis teretiusculis obtusis, tuberculis terminalibus globosis cavis Hudf. angl. 2, 558.

Lichen fragilis elatior Web. spic. 258. β.

Lichen fragilis Ehrh. plant. exsicc. dec. 13, 128.

Lichen fragilis, fruticulosus solidus, ramulis teretibus obtusis fastigiatis Linn. syst. veg. 964.

Syst. pl. 557. Fl. suec. 2, 1121. Gun. norv. 663. Retz. scand. 1405. Jacq. misc. 2, 92.

Lightf. scot. 888.

Dense et confertim nascitur vel in circulum depressus, vel fruticuli in modum erectus, altitudine plerumque unciali vel sescunciali. Surculi e communi radice adscendunt cespitosi fastigiati teretes, divisi et subdivisi per dichotomiam, ultimo furcati obtusiusculi, nigricante papilla notati. Natura in siccitate rigidiuscula fragilis, fragilior saepe ipsa *Corallina*, cui similis, intus alba solida. Color eburneus, vel in aliis arenosus, hinc inde basi praecipue nigricans, vel etiam lateritius, apicibus tum constanter e cinereo glaucis. Tubercula sphaerica crassioribus et simplicioribus ramis insident, ejusdem cum ramulo naturae, neque ultra eum prominent; majora dehiscunt, nigra ad lentem pulverulenta massa farcta, qua excussa late hiant atque persistunt.

Locus. In Europae saxis, montium praeruptis petris sylvaticis ericetis. Habeo ex Suecia, Anglia, Germaniae variis locis, etiam ex Lapponia et ipsa Groenlandia.

Observatio. Globiferi varietatem aliqui putarunt, sed dichotomis fastigiatis fragilissimis ramis, ut nihil dicam de illius lateralibus fibrillis, quae in hoc nunquam observantur, satis superque differt.

Explicatio Figurarum.

- a. Cespes junioris Lichenis in circulum expansus.
- b. Erectus cespitosus frutex, tubercula gerens.
- c. Fruticulus solitarius, omnes nativa forma ac colore.
- d. Furcati apices, papillati, ad lentem picti.



T A B U L A XXXIV.

Fig. 1.

CORNICULARIA TRISTIS.

Cornicularia tristis, fruticulosa subcompressa nigra, scutellis planiusculis concoloribus.

Cotalloides corniculatum, fuci tenuioris facie Dill. musc. 118. t. 17, f. 37.

Lichen fruticosus durus niger, repetito dichotomus Hall. hist. 1, 66. t. 47, f. 1.

Lichen radiatus, fruticulosus solidus laevis, ramulis teretiusculis acutis, scutellis planis radiatis Hudf. angl. 2, 559. (quoad saltem auctorum citationem).

Lichen tristis, fruticulosus caespitosus, furculis compressis ramosis, superne nigricantibus scutelliferis Web spicil. 260. t. 5.

Lichen cornicularis, fruticosus solidus ramosus, ramis declinatis compressis dichotomis, scutellis plano-convexis fungiformibus Lightf. scot. 885.

Lichen gagates Lamark, Flor. franc. 1, 53.

Lichen tristis Ehrh. pl. exsicc. dec. 1, 10.

Lichen fucoides, fruticulosus ater, foliolis ramulosis teretibus compressis, ex decubitu assurgentibus, centrifugis, margine utrinque tuberculoso-denticulatis; scutellis subterminalibus sessilibus pedunculatisque concoloribus Wulf. Jacq. collect. 3, 143. t. 12, f. 3.

Lichen rigidus, imbricatus foliolis teretibus compressis ramuloso-multifidis atris centrifugis, scutellis sessilibus concavis concoloribus Linn. syst. veg. 959. Enum. Lich. 74, Jacq. miscell. 2, 86. t. 9, f. 6. Jacq. collect. 2, 187. t. 13, f. 5.

Denso nascitur caespite furculis ex uno velut centro per ambitum sparsis, depressis imbricatis varieque implexis, in centro magis erectis, vel omnibus etiam ad marginem assurgentibus, compressiusculis, per dichotomiam subdivisis, fastigiatis, subulatis, vel ultimo obtusiusculis furcatis, glabris, ad marginem plus minusve tuberculoso-denticulatis. Color opacus nigricans, in recenti humectata, e viridi olivaceus, luci obversa Fuci instar pellucida, subtus plerumque e nigra basi in dilutiorem fuscum ductus. Natura lenta cor-

nea, intus solida alba. Ex summitate ramulorum scutellae oriuntur lentis magnitudine, vel sessiles vel longius pedunculatae, concavae aut plano-convexae nitentes fuscoatrae, tenuissime nunc aequaliter, nunc irregulariter marginatae; externe, qua insident plerumque latefcentibus ramulis parte, rugulosa, ramulique colore, ejusdemque saepe finibus spinulosis quasi obvallatae.

Locus. In montosis rupestribus Germaniae (in Bructero sic dicto minori Hercyniae); in saxis Alpium excelsarum granitosarum superioris Carinthiae, in Helvetia, in alpinis scoticis.

Observatio. Cornicularia frondes ostendit erectiusculas angustatas cartilagineae substantiae, vel tamen tenacioris quam membranacae, extremitatibus acutiusculis rigidis. Scutellae vel terminales vel transversae. Linn. Gen. pl. ed. octava p. 768.

Explicatio Figurarum.

- a. Cespes Lichenis humectati, ab anteriore facie, et naturali magnitudine conspectus.
- b. Alius magis erectus et siccescens, a latere cum scutellis depictus.
- c. Particula Lichenis, quem rev. a Wulfen fucoidem nominavit, cujus
- d. furculus ad lentem conspectus, margineque tuberculoso denticulato instructus.



T A B U L A XXXIV.

Fig. 2.

CLADONIA TAURICA.

Cladonia taurica, subramosa fistulosa, caule ramulisque cylindraceis subulatis.

Lichen tauricus, fruticulosus, decumbens, subcentrifugus, vage subramosus, niveus, caule ramulisque laevibus, fistulosis subulatis Wulf. Jacq. collect. 2. 177. t. 12, f. 2. Schrank, primit. salisb. 235.

Cespites subularum cylindriformium bi-tripollicarium, fistulosarum, confertim nascentium unoque velut e centro provenientium, indeque quaquaversum divergentium. Cauliculi prostrati et implexi, curatius extricati jam e basi sua in ramos multiplicantur oppositos vel alternos, et ea qua parte oriuntur angustata et constricta quasi, dein ampliata in cylindraceum fistulosum tubulum, apice in cornu subulatum finitum. Sunt cornicula saepe brevissime divisa, etiam obtusa. Color in sicco albidus, in humido virescens cum flavedine. Substantia flexilis cum tenacitate. Interior cavitas saepissime flavescit, si exterior viridis vel etiam ochracea adparebat.

Locus. In elatis rupibus Taurerorum nassfeldensis et radstadiensis, Bryis Hypnisque substratis, ubi primum a rev. Abbate Wulfen observatus fuerit.



Debeo exemplaria mea huic felicissimo et oculatissimo Botanico. E Tyrolia etiam me accepisse recordor. Crassitie, colore et ramositate praecipue a consimili Lich. subuliformi differt.

Explicatio Figurarum.

- a. Cespes subularum, Musco instratus.
- b. Cauliculus separatus in ramulos diffusus.
- c. Alius e medio furcatus. Omnes nativo colore ac forma depicti.



T A B U L A XXXV.

Fig. 1.

PATELLARIA FERRUGINEA.

Patellaria ferruginea, leprosa albido-cinerea, patellis convexis ferrugineis.

Lichen crustaceus arboribus adnascens, crusta cinerea tenui, ex albo subcinerea, receptaculis florum atro-rufis, ad ferrugineum tendentibus Mich. gen. 97.

Lichenoides leprosum, tuberculis fuscis et ferrugineis Dill. musc. 126. t. 18, f. 4.

Lichen *ferrugineus*, leprosus albidus, tuberculis subrotundis ferrugineis Hudf. angl. 2, 440.

Lichen *vernalis* Lightf. scot. 805.

Quem sub nomine Lich. ferruginei accepi, nunc parum a L. cinereo-fusco diversum esse video. Crusta magis cinereo albicans. Tuberculis patellae in siccitate non absimiles, sed propius admotae, margine concolore varie flexo cinctae adparent. Color constanter atro-rufus vel ferrugineus. Ideoque etiam hujus accuratam ac fidam delineationem non superfluum duxi.

Locus. Arborum corticibus hyeme et vere (praesertim in Fago sylvatica mediae magnitudinis) adnasci solet. Copiose exemplaria circa Goettingam et ipse legi, et a D. Persoon lecta accepi.

Explicatio Figurarum.

- a. Particula corticis ad lentem conspecta, quo melius patellarum forma, quae ad sinistram naturalis est picta, adpareat.

T A B U L A XXXV.

Fig. 2.

C O L L E M A P L I C A T U M.

Collema plicatum, foliaceum plumbeum, rugoso-plicatum,
scutellis pedunculatis rubris.

Lichen Tremelloides, foliaceus plumbeus, rugoso-crispus, glaber, peltis sparsis rubris Suppl.
pl. 450. Syst. veg. 961.

Membrana sicca papyracea subdiaphana, in duas lamellas facile secedens, varie plicata et rugosa, margine in obtusas lacinias divisa, undique per superficiem exilissimis foveolis s. punctis excavata, quae in lamellas divisa membrana, e tuberculis vel granulis exilissimis in averfa lamellae parte sedentibus provenire, et forsan cohesionem lamellarum promovere videntur. Color plumbeus, hinc inde dilute cinereus vel flavescens cum pauxillo fusco-rubri, praesertim ea parte, qua terrae inhaeret, qualisque foliorum cadentium esse solet. Scutellae frequentes, minutissimae turbinatae, majores circinnatae rotunditatis, brevi membranaceo pedunculo insidentes; margo integerrimus canescens discum eleganter rubrum quovis modo cingit. Aqua irrigatus Lichen, ut mos est hujus ordinis, totus quantus immutatur. Explicatur membrana antea plicata, intumescit, diaphana fit, et saturatum virorem acquirit. Scutellae nunc per superficiem aequabilem sparsae, elevantur, et disco suo aurantiaco in chermesinum mutato, undique emicant.

Locus. In cap. b. sp. primum legit D. Thunberg; ex albis Jamaicae attulit, mecumque amice communicavit Cel. O. Swartz.



Observatio. Collema Hill. (Nostoch Hall.) omnes eos Lichenes designat, quibus tremula folia, potissimum post pluviam; iidem Lichenes ficci exarescunt et in membranas friabiles abeunt. Aliquot hujus ordinis ad Tremellas accedunt, sed cum Lichenibus, ut jam bene Hallerus observavit, per scutellas retinentur. In plusculis speciebus etiam granula per superficiem sparsa reperiuntur.

Explicatio Figurarum.

- a.* Lichenis sicca membrana, nativa forma ac colore.
- b.* Ejusdem particulam in aqua fluctuantem sistit.
- c.* Scutellae per augmentum e sicca membranula.





T A B U L A XXXVI.

Fig. 1.

P L A T I S M A A R M A T U M.

Platisma *armatum*, foliaceum suberectum ramosum, scutellis terminalibus aurantiacis ciliato-spinosis.

Lichen pulmonarius minimus subluteus, receptaculis florum coronatis, mali aurantii coloris Mich.

Gen. 75. t. 36, f. 4. Dill. musc. 74. t. 13, f. 17. (figura e Michelio repetita.)

Lichen *aurantiacus* Latourrètte, chlor. lugd. 35.

Ex communi radice in orbem lacinias sine ordine emittit semunciales adscendentes vel erectas compressas latefcentes, angustiores in juvenili, apice fere palmatas et undique ciliis vel laciniis protensis armatas, tum facile pro hispido Lichene incauto observatori imponunt. Color in ficcato superius flavesens ochraceus, inferius ex cinereo albicans; superficies striato-rugulosa et quasi canaliculata, quae superius magis plana; in humectato penitus et laete virefcit. Scutellae terminales plerisque latioribus lacinulis insident, in sicco aequae ac humido eleganter aurantiacae, concavae, demum complanatae, margine tenui, sed undique spinulosis ciliis flavescentibus obfesso, laciniis etiam inferius concolore.

Locus. In ramulis arborum; ad Abietes, Pyros Prunum, immixtis aliis Lichenibus, hispido et parietino. Depicta Exemplaria circa Lugd. gallor. lecta debeo cel. Latourrètte.



Observatio. Superficies, scutellarum color, affinitatem cum *L. denu-*
dato indicant, locus natalis, figura, laciniarum divisio, et ciliarum copiosus
proventus diversitatem.



Explicatio Figurarum.

Fructi ramulus, cui insidet noster, praeterea Lichenes alii, hispidus et parietinus.

- a. Plantula integerrima scutelligera exsiccata;
- b. alia humectata.
- c, d. Laciniarum spinosae fines cum scutellis, ad lentem pictae.



T A B U L A XXXVI.

Fig. 2.

SQUAMARIA FAHLUNENSIS.

Squamaria fahlunensis, foliis subimbricatis dichotomo-multifidis, canaliculatis atris.

Lichenoides tinctorium atrum, foliis minimis crispis Dill. musc. 188. t. 24, f. 81. (mutilata).

Lichen fronde utrinque nigerrima laciniata, scutellis concoloribus Hall. hist. 2020.

Lichen fahlunensis, imbricatus foliolis linearibus dichotomis planiusculis acutis nigris, scutellis atris Linn. Syst. veg. 959. Syst. pl. 533. Fl. suec. 1078. Web. spicil. 251. Lightf. Scot. 819. Hudf. angl. 2, 532. Retz. scand. 1349. Jacq. misc. 2. 90. t. 10, f. 2. Enum. lich. 8c. t. 17. f. 2.

Aterrimus nitens siccus cespitosus Lichen, in orbem expansus; laciniis foliorum imbricatis, dichotomo-multifidis, per superficiem canaliculatis vel lacunosis, margine semper elevato, nunc lineari acuto vel lobato obtuso, crenulato saepe ex verrucis, vel crispo marginalibus radiculis. Madefactus e castaneo vel fusco sensim acquirit colorem sordide virescentem, semper tamen fuliginosum. Scutellae non paucae, disco cespitis insidentes, variabili magnitudine: insigniores semunciam latae planae vel convexae, margine penitus oblitterato inciso varie plicato; minores concaviusculae rotundae, margine paulum elevato crenulato; omnes ex castaneo nigrae, nitentes, subtus dilutiores, rugulosae. Natura Lichenis solida, intus candida.



Locus. Rupibus et saxis montosis adnascitur. In Europa non infrequens, cum Uinea lanae nigrae simili. E Groenlandia etiam habeo, a Lichomphalode et stygio Linn. aeque diversam.

Explicatio Figurarum.

- a.* Varietas foliis margine frequentius ciliatis, foliolis dichotomis linearibus.
- b.* Alia latioribus margine crenulatis laciniis.
- c.* Tenuissimis et crispis linearibus laciniis tertia varietas.
- d.* Media cespitis foliola ad lentem, et
- e.* Naturali magnitudine conspecta.
- f.* Lacinae verruculosae margine, ope lentis observatae.



ILLUSTRISSIMO DOMINO
CHRIST. LUDOVICO
DE HAKE,

MAGNAE BRITANNIAE REGI A CONSILIIS SANCTIORIBUS
CAMERAE REDITUUM DEPUTATO ORDINIS EQUESTRI AD
CONVENTUM ORDINUM PROVINCIALIUM
CALENBERGENSIUM

VIRO SCIENTIARUM UTILIUM INQUE HIS REI
BOTANICAE PERITISSIMO

HUNC FASCICULUM

D. D. D.

GEORG. FRANC. HOFFMANN.

T A B U L A XXXVII.

Fig. 1.

C O L L E M A M A R G I N A L E.

Collema marginale, foliaceum lobato-plicatum, scutellis marginalibus.

Lichen *marginellus*, foliaceus membranaceo-pellucidus lobatus plicato-undulatus, scutellis marginalibus minutis ferrugineis albo-marginatis Swartz, prodr. 147.

Membranula tenuis subdiaphana plicato-rugosa, fimbriarum in modum lobata basiue contracta, Muscis inhaerens. Color plumbeus in sicca, diaphanus et e plumbeo virescens in humida plantula. Superficies rugulosa. Scutellae frequentes et minutissimae ex ipso margine propullulant, granulosaе, albo-marginatae et ferrugineae; pellucidae, si aqua irrigantur.

Locus. In Iamaica collegit D. O. Swartz, mecumque liberaliter communicavit.

Explicatio Figurarum.

Fig. 1. Plantula super Muscis expansa, nativa forma ac colore.

- a.* Membranulae particula aqua reviviscens.
- b.* Lobulus cum scutellis ex aqua pellucidis lenti subjectus.



T A B U L A XXXVII.

Fig. 2. 3.

COLLEMA VESPERTILIO.

Collema Vespertilio, orbiculatum membranaceum tenue,
lobatum, plicato-lacunosum.

- Lichen saxatilis nigricans*, Lactucae folio Buxb. Ant. 1. 41. t. 61, f. 3. (imperf.).
Lichenoides gelatinosum, membranaceum, tenue nigricans Dill. musc. 138. t. 19, f. 20—21.
 (mediocris).
Lichen gelatinosus membranaceus exasperatus convolutus atroviridis, scutellis rubris Hall. hist.
 2037? (quoad saltem Synonymiam).
Lichen nigrescens, gelatinosus membranaceus, exasperatus, convolutus, atro-viridis, scutellis
 rubris Leers, herb. 945.
Lichen Vespertilio, gelatinosus membranaceus rugosus lobatus atro-virens, scutellis confertis rufis
 Lightf. scot. 840.
Lichen nigrescens, foliaceus membranaceus subrotundus lobatus rugosus atro-virens; scutellis
 confertis rufis Hudf. angl. 537.
Lichen Lactuca, membranaceo-gelatinosus, late lobatus, tenuis, diaphanus, lacunosus, ex viridi
 nigrescens, per aetatem nigricans Web. spic. 253.
Lichen papyraceus, papyraceo-membranaceus, subgelatinosus, viridi-ater, orbiculatus, ambitu
 breviter plicato-lobatus; lobis amplis rotundatis integerrimis; granulis supra oblitus innatis
 creberrimis, homogeneis, concoloribus Wulf. Jacq. collect. 3. 134. t. 10, f. 3. (bona, sine
 scutellis).
Lichen nigrescens, foliaceus, gelatinosus, subrotundus, lobatus, rugosus, atro-virens, scutellis
 confertis rufis Suppl. pl. 451. Linn. syst. veget. 961. Ehrh. Beitr. 2, 146.

Folium tenue membranaceum in orbem distentum, per extremitates brevi-
 ter lobatum: lobis obtusis rotundatis et late diductis. In superficie superiori
 rugosa, inferiori plicato-lacunosa, plicae et rugae in centro congestae ad
 peripheriam diffugiunt. Acervuli granulosi gelatinosi (foliorum propagines)
 versus centrum innascuntur creberrimi. Scutellifera rarius occurrit; scutel-



lis ut plurimum extra centrum collocatis numerosis, subpedunculatis planis, vel tantum in sicca fronde marginatis, eleganter fusco-purpureis, dilutioribus in madefacta. Color ex atro viridis, luci obversa veluti e virore subdiaphanus, in sicca plane emoritur, nigrescit. Substantia mollis gelatinosa, per siccitatem in naturam chartae ustulatae quasi complicatae transit.

Locus. Aversa parte saxi nudis, arborum truncis adnascitur, non rara per Germaniam planta. Udo coelo viget, sicco et sereno contrahitur, exarefcit.

Explicatio Figurarum.

Fig. 2. Scutellifera planta, qualis adparebat in aqua fluctuans.

a. Scutellae ab anteriori et a latere conspectae,

b. granulorum acervulus, ad lentem modice augmentem.

Fig. 3. Aversa folii pars humectata.





T A B U L A XXXVIII et XXXIX.

Fig. 1.

T A B U L A XLII.

Fig. 1.

P L A T I S M A C A P E R A T U M.

Platisma caperatum, foliaceum subimbricatum rugosum lobatum, pallide luteum.

Musco-fungus lichenoides, crustae modo adnascens major cinereus Morif. hist. 3. 633. t. 7. f. 1. (imperf.)

Lichen pulmonarius, saxi et arboribus adnascens, major, inferne nigricans, superne e sulphureo cinereus, receptaculis florum amplioribus, intus sordide et obsolete viridibus Mich. gen. 89. t. 48. f. 1. (crassa).

Lichenoides caperatum rosaceae expansum e sulphureo virens Dill. musc. 193. t. 25, f. 97. a, b, c. (mediocris).

Lichen fronde rotunde lobata, rugosa, inferne atra et aspera Hall. hist. 2005.

Lichen *caperatus*, fronde juniore supra rugosiuscula: germinante pulverulenta, frondulis extimis laevibus, latioribus obtusis Neck. meth. 95.

Lichen *caperatus*, foliaceus imbricatus, pallide luteo-virescens, rugosus; margine undulatus Enum. lich. 94. t. 19. f. 2. t. 20. f. 2.

Lichen *caperatus*, foliaceus repens pallide viridis rugosus, inferne ater et asper; foliolis rotunde lobatis Baumg. Lipl. 569.

Lichen *caperatus*, foliaceus, repens, centrifugus, sinuato-lobatus; subtus ater, laevis; supra e virore sulphureo flavens, rugosus, verrucosusque; scutellis sessilibus rubris, extus folio concoloribus, margine verrucoso-crenatis Wulf. Jacq. collect. 4. 280. t. 20. f. 1. (bona).

Lichen (froncé) *caperatus*, subfoliaceus rugosus e sulphureo virens, foliolis rotunde lobatis, scutellis amplis fusco-rubentibus Lamark Encyclop. bot. 483.

Lichen *caperatus*, pallide viridis rugosus margine undulatus Linn. syst. veget. 960. Sp. pl. 1614. Syst. pl. 542. Roy. lugd. b. sic. Guett. Hamp. 31. Mull. fridr. 212. Gunn. norv. 690. Neck. gallob. 511. Scop. carn. 2. 1394. Weis, crypt. 74. Leers, herb. 967. Pollich, palat. 1114. Lightf. scot. 837. Hudc. angl. 543. Retzius, scand. 1365. Gorter Fl. VII. provinc. 309. Leyf. hal. 1153. Allion. ped. 2565. Chlor. lugd. 36. Relh. cantabr. 433. Willden. berol. 352. Timm, megap. 248. Roth, germ. 504. Schrank, bav. 1516. etc.

Folium rosaceae ab initio et in orbem expansum, ab unciali ad pedalem usque dimensionem; plicatum, subimbricatum, per ambitum lobatum: lobis sub-

rotundis sinuato-laciniatis, extimis sinuato-crenatis. Superne rugis oblongis et obliquis, pulverulento-granulosis, centrum versus crassioribus exasperatum; colore e sulphureo virescenti in glaucum desinente (veluti sulphureus color cum pauxillo caerulei mixtus), per aetatem dilutior, ultimo, saepius humectato et siccato Lichene, flavescenti glauco. Inferne per margines, quousque libera sunt folia, adparent glabra et fusca, reliqua parte scabra et nigra ex radiculis filiformibus implexis brevissimis, quibus arcte saxi et arboribus annectuntur. Per lentem verrucae conspectae, subrotundae et pulverulentae, confluentes punctisque nigris commixtae adparent. Majores et annosiores plantae minus regularem servant figuram, sine ordine veluti effusae. In his scutellae praesertim nasci solent; primum parvae sessiles, per discum frondis sparsae, subglobofo-umbilicatae; sensim evolutae majores, concavae, margine convexo cinctae pulverulento, foliorum colore; intus atro purpureae, carneo vel viridi rufescentes; tandem, si penitus explicentur, vel margo tenuis undulatus, saepius verrucosus evanescit, vel discus elabitur. Natura mollis in humectato etiam tenax, intus albissima, quam etiam leviter violatus statim prodit.

Locus. Per omnem Europam (etiam Americae partem) saxi aequae ac arboribus frequenter adnascitur. Scutellifera planta rarius, in altiori arborum plaga hinc inde occurrere solet. Lana tingit praemissa maceratione, colore ex ferrugineo eleganter fusco.

Explicatio Figurarum.

Tab. XXXVIII. Fig. 1. Juniozem et rosacee expansum sistit Lichenem absque scutellis.

Tab. XXXIX. Fig. 1. Seniozem et minus regularem aut scutelliferum.

a. primordialis rosula. Natio colore ac forma.

Tab. XLII. Fig. 1. Figuram e collect. l. c. repetii, utpote Lichenis scutelliferi et rosacee ita eleganter expansi, rarius occurrentis.

T A B U L A XXXVIII.

Fig. 1—3.

P L A T I S M A C R O C A T U M.

Platisma crocatum, foliaceum crispum, margine pulverulento flavo.

Lichenoides lacunofum rutilum, marginibus flavis Dill. musc. 549. t. 84. f. 12. (bona).

Lichen crocatus, foliaceus lacunofus luteo-rufescens flavo-granulatus: laciniis sinuatis rotundatis, scutellis subconvexis fusco-atris a fronde marginatis Dickf. fasc. 2. 22.

Lichen crocatus, foliaceus, margine pulvereo-flavo Linn. syst. veget. 960. Syst. pl. 542. Swartz, obs. bot. 407.

Elegantissimae plantae forma, aetate forsan vel loco natali mutatur. Habeo, quae iconi dillenianae plane respondeant. Etenim foliis componuntur laciniatis, per extremitates sinuatis crenatis, postea dividuntur et velut folium quoddam laciniatum cohacrent, in longiores, quam ab initio, lacinias divisum, superne lacunulis excavatum, subglauco, lutescente colore, marginibus undique in fimbrias pulverulentas flavas resolutis. Glomeruli etiam in superficie, confluentes flavi. Scutellae vero neque in dillenianis, neque in meis occurrunt. Ex observatione Dicksonii margine crasso, e fronde intumente, cinguntur. Inferius quousque libera sunt folia colorem ostendunt (L. verrucoso similem, quocum etiam natura convenit), cervino-flavescentem vel carneum, qua parte adhaerent vero ochroleucum vel subfuscum, ex denso et brevi villo factum. Puncta autem flava innumera pulverulenta, ex denudata Lichenis interiori natura, undique de protuberantibus lacunulis emicant (sicque saltem transitum et indivisum nexum, cum excavatis illis albidis punctis



In Lich. sylvatico paucisque aliis ostendunt). Haec illa. Sed diversa alia occurrunt ampliora lobata, colore post plurimos annos eleganter rutilante, quorum margines interiores in fimbriis crassiores pulverulentas elegantissime flavo colore distinctas resolvuntur, porro inferiore parte tomento vel villis acque rutilante et subfusco, punctisque eleganter flavis insignita sunt; unde immaculata et ex rutilo et flavo colore amoene distincta folia. Natura intus tota quanta flava, tactu subcoriacea.

Locus. Dillenii exemplaria ex Insula Helena transmissa fuere, Linnaci ex India. Dicksonius ex alpebus scoticis, rupibus adnascentem habuit. Ego exemplaria depicta in India occidentali collecta debeo benevolentiae cel. D. O. Swartz.

Explicatio Figurarum.

Fig. 1. Lichenis specimen foliis angustioribus.

Fig. 2. Aliud amplioribus foliis a superiori et

Fig. 3. ab inferiori parte spectatum; nativo colore ac forma.



T A B U L A XXXIX.

Fig. 2.

PATELLARIA DECOLORANS.

Patellaria decolorans, granulosa cinerea, patellis carneis et nigricantibus varia.

Granulosa crusta nudis oculis facile distinguenda. Per lentem granula illa conspiciuntur subrotunda, cinerea, connexa solida, glabra, hinc inde tamen subpulverulenta, nigris et carneis aliis commixta. Hisce innascuntur tenerae patellae ab initio granulis non dissimilia, dein explanatae varieque ex rotunditate flexae, coloris eleganter miniati vel rubro-carnei, hinc inde livescentis; in aliis plane nigricantis, margineque in his albido, in illis pallidiore circumseptis.

Locus. Terrae praesertim turfosae instratam legit in ascensu montis Bructeri Hercyniae D. Persoon, cui etiam debeo exemplaria depicta. Colore et patellarum figura satis superque a Verrucaria differt granulosa.

Explicatio Figurarum.

Fig. 2. Plantula nativa forma ac colore,
a. per lentem conspecta.

T A B U L A XL.

Fig. 1.

P A T E L L A R I A N E B U L O S A.

Patellaria nebulosa, pulverulenta subcinerea, patellis numerosis confertis crustae adpressis.

Leprosa pulverulenta crusta terrae glebis vel lapidibus, quibus instrata est, fere concolor, per lentem adparet pulverulenta et veluti ex glebulosis granulis, aqua emollitis, ex cinereo virescentibus, neque tamen gelatinosis, sed solidis, conflata. Patellarum copia saepius tanta est, ut crusta penitus obfusceatur. Ceterum rotundae patellae, non sessiles modo, sed crustae veluti adglutinatae cumque ea confluentes; colore ex argillaceo plus minusve fulco, depressae quidem, in disco tamen convexiusculae, margine tenui cinerascete, ad lentem crenulato, circumlinitae.

Locus. Terrae glebis etiam lapidibus arenosis adnasci solet. D. Persoon circa Goettingam lectam mecum communicare voluit. An hujus loci Lichen Pezizoides Weberi vel brunneus Swartzii? —

Explicatio Figurarum.

Fig. 1. Terrae gleba, patellis undique obsita, naturali forma ac colore.

a. Particula lenti subjecta, in qua vero margo patellarum utpote non satis aversus integer adparet.



T A B U L A XL.

Fig. 2—4

T A B U L A XLII.

Fig. 2—3.

S Q U A M A R I A A M B I G U A:

Squamaria ambigua, foliis lineari-multifidis flavo-virentibus, tuberculis scutellisque obsitis.

Lichen diffusus, imbricatus, fronde lineari-multifida in centro pulverulenta, versus margines scutellifera. Color constanter ex glauco albescens Web. Spicil. 250.

Lichen ambiguus, foliaceus centrifugus flavo-virescens, foliolis linearibus, pinnatifido-lobatis; tuberculis concoloribus farinaceis, scutellisque marginatis ex luteo tandem fuscis, obsitis Wulf. Jacq. collect. 4. 239. t. 4, f. 2. (bona).

Frondes in orbem expansae ab initio valde exiguum, sensim vero ampliorem factum sicque e foliolis constantem linearibus, diffusis, per dichotomiam multifidis, subdivisis et truncatis extremis finibus; in aliis vero densius congestis et subimbricatis, lobato-laciniatis. Media pars undique pulverulentis tuberculis, confluentibus obtegitur. Sunt ubi pulverulenta tubercula scutellis immiscentur, quae versus marginem exoriuntur orbiculares, ex glauco fuscae, limbo cinereo flavo-virescenti cinctae. Color superne ex glauco albescens vel flavo-virescens, subtus a tenui villo nigrescens, in adultiori anthracinus vel fordide cinereus. Per aetatem folia diffluunt inque pulverulentas glebularum abeunt scutellis tum varie flexis, ex atro fuscis, margine tamen persistente tenui, crenulato, flavescenti cinguntur.

Observatio. Ambigit inter Pforae tartaream et Squamariae foliaceam naturam. Lich. diffusus olim in Enumeratione nostra Lichenum descriptus, longe ab illo distat.

Locus. Ad putrescentes vel tamen emortuos Abietum truncos, variis Germaniae locis. In Hercynia copiose, Legit D. Perfoon.

Explicatio Figurarum.


Tab. XL. Fig. 2. Juniors diffusa et laxius inter se ordinata foliola.

Fig. 3. Orbis tuberculoso-pulverulentus.

Fig. 4. Lichen vetulus in tubercula plane resolutus.

Tab. XLII. Fig. 2. Hujus et sequentis.

Fig. 3. e collectaneis l. c. repetii delineationem, cum rarissime tuberculis in medio, scutellis vero per ambitum collocatis, occurrere soleant talia specimina,



T A B U L A XLI.

Fig. 1.

[VERRUCARIA SANGUINARIA.

Verrucaria sanguinaria, crustacea cinereo-virescens, albicans, verrucis atris intus sanguineis.

Crusta satis crassa tenax, cortici rimoso vel Musco infrata, inde monticulosa, cohaerens tamen et saepius in palmarem dimensionem quaquaversum (rarius orbiculatim) per exigua granula glebulosa distenta. Colore vel ex viridi cinerascens (humore irrigato Lichene penitus ex glauco virescens) vel albidocinerea, quae etiamsi humectata, tamen tenaciter servat suam albedinem. Huic innascuntur atrae verrucae plus minusve numerosae, diversaeque plane magnitudinis; aetate inaequales, non raro confluentes; jam prima aetate convexae; quae per medium ad perpendiculum discissae, intus sub nigricante crasso cortice (ad lentem in tenues lamellas diviso, subpellucido, atro-virente) demum in viridem resoluto, occultant elegantem sanguineam striam, etiam nudo oculo conspiciendam, nucleo albedo farinoso verrucae quasi immersam. Dissecata spongiosa crusta intus vel albida vel viridis, quam si accuratius ad lentem conspicias superius tantum viridi granulofam, inferius albidam, saepius rubram, ex diffluente nuclei cruore invenies.


Locus. Ad abietum cortices Hercyniae, versus Braunlage primus collegit mihiq̃ liberaliter misit D. Perfoon; nunc ab aliis circa Goettingam hinc inde colligitur.

Observatio. Si quis alius, certe hic Lichen cum multis confanguineis (punctato, limitato, petraeo, confluente, rupestri, calcario, atrofusco etc.) confusus. Itaque vereor, ut paucis (praeter Lightfootium, scot. 803, et Ehrhartum, Beitr. 5, 56.) distincte satis cognitus fuerit. Ipse Linnaeus in dubio haerere mihi videtur. Etenim atra sanguinari Lichenis tubercula, diffracta, intus rubra esse recte statuit; sed de eodem male in Flora sua suecica (1060) dicit, eum in omni arbore habitare (quod de limitato et punctato Lichene verum est); nec non marginem, in speciebus plantarum, angulatum, non membranaceum, illi adscribit. Quod utrumque in nostrum non quadrat. Iuvabit itaque, missis omnibus synonymis, quae certe historiam hujus Lichenis non magis expeditam reddent, fidam ac succinctam ejusdem dedisse delineationem.

Explicatio Figurarum.

Fig. I. Corticis rimosi abietini particula, crassa albescente penitus obducta, nativa forma ac colore.

a. Verruca ad perpendicularum dissecta, et ad lentem parum augmentem conspecta.



T A B U L A XLI.

Fig. 2—4.

T A B U L A XLII.

Fig. 4, 5.

P E L T I G E R A C R O C E A.

Peltigera crocea, fronde rotunde lobata, subtus venosa, villosa-crocea.

Lichen foliis subrotundis planis levissime incis, calycibus orbiculatis disco foliis adnatis Fl. lapp. 443. t. 11, f. 3. (mediocris).

Lichenoides subtus croceum, peltis appressis Dill. musc. 221. t. 30, f. 120. (fig. Linnaei).

Lichen fronde rotunde lobata, plana, subtus venosa miniata Hall. hist. 1994.

Lichen *croceus*, fronde reptante subrotunda, subtus venoso-villosa, crocea: peltis sessilibus orbiculatis Neck. meth. 84.

Lichen *croceus*, coriaceo-foliaceus, repens; frondibus obovato-subpalmatis, crenatis, planis, ex eodem velut centro in orbem diffugientibus, supra saturate viridibus glabris; subtus coriaceis, saturatius ramoso-venosis; peltis pulvinato-convexis sparsis, adnatis obscure rubris Wulf. Jacq. collect. 4, 255. t. 11, f. 2, 3. (splendida).

Lichen *croceus*, coriaceus repens subrotundus planus: subtus venosus villosus croceus, peltis sparsis adnatis Linn. syst. veget. 962. spec. pl. 1616. Syst. pl. 547. Fl. suec. 1101. Gunn. norv. 735, Retzius scand. 1378. Fl. Dan. 263 (fig. pessima). Lightf. scot. 856. Hudf. angl. 548. Schrank, primit. salisb. 234.

Lichen safrané Lamarck Encyclop. bot. 496.

Siccam et intra chartam diutius servatam delineamus plantam, cujus folia terrae glebis tenaciter adhaerent, per ambitum sparsa, plana subrotunda, inque lobos obtusos crassos margine sinuato-crenatos ex angustiori basi dilatata;



nonnulla ita dense congesta, ut margines flexuosi fiant et elevati; alia magis complanata, in disco foliorum rugulosa et depressa. Color in utraque superius cinnamomeus, vel corii vitulini, in madefacta planta hinc inde leviter e viridi cinereus; subtus vero eleganter et saturate croceus villus totam superficiem occupat, venis e basi ad peripheriam per longitudinem ductis, crassis prominentibus, colore demum nigricante, denso et brevi villo, hinc inde fibrilloso obductis. Peltae vel disco vel margini adnatae, complanatae orbiculatae subconvexae, atro-spadiceae, margine, veluti prominente e substantia folii, lacinulato cinctae. Natura coriacea quidem, sed durior, in sicco fragilis, in humido autem et recenter collecta aliam ab illa diversam ostendit faciem, quam sequentibus accurate depingit verbis f. rev. a Wulsen. Unicum credas folium late in orbem effusum, peripheriam versus rotundato-lobatum; plures interim, nec reapse inter se unitae sunt frondes, coriaceo-foliaceae, crassiusculae, lentae, obovato-subpalmatae, rotundato-sublobatae, per oras marginum crenatae; quae ita juxta se in orbem ordinatae, perque terram diffusae, repunt, quasi ex eodem centro genitae, ab invicem centrifugae, divergentesque recedant. Eae supra juvenili in aetate, recentesque, aut certe ex humore reviviscentes saturate virides, glabrae ac nitentes sunt; peltis pulvinato-convexis, lentiformibus, aut ovalibus, magnitudine inaequalibus, obscure rubris, nullo per folium sparsis ordine, adnatisque oblitae; subtus contra saturate rubro-aurantiacae, aut si velis croceae, subtilissime primum tomentosulae, tum nudae, attamen venis exstantibus ramosissimis, saturationibus, cum tempore fusco-nigricantibus, costatae. Senio, aut longiore intra chartas desiccatione, naturalis plantae viror in spadiceum emoritur, peltaeque complanantur nigricantes. Ex quo patet, qualem, quove in statu, plantam suis ab amicis Hallerus, tum et ex Groenlandia Dillenius habuerit.



Locus. Summarum alpium et regionum septentrionalium incola, ad rupium latera, in petris tenui terra tectis Norvegiae, Helvetiae, Angliae; in sylvis inque campis sterilibus Lapponiae, Groenlandiae.

Explicatio Figurarum.

Tab. XLI. Fig. 2. Lichenis frondes a superiori facie depictae leviterque humectatae, terrae muscisque substratis adhaerentes.

Fig. 3. Facies inferior frondis a terra solutae. Exemplaria depicta habeo e Norvegia.

Fig. 4. Siftit specimen hujus Lichenis, in alpinis petris tenui terra tectis, Vallis Hasliae superioris versus Hospital et Grimselam Helvetiae ab ill. Schmidelio lectum.

a. particula frondis cum pelta.

Tab. XLII. Fig. 4. Carinthiae lecta et a f. rev. a Wulfen in collectaneis l. c. depicta hujus Lichenis recenter collecta specimina, a superiori

Fig. 5. ab inferiori facie.



SOCIETATI LINNEANAE LONDINENSI

EIUSQUE

P R A E S I D I

IACOB O E D U A R D O
S M I T H,

M. D.

H U N C F A S C I C U L U M

D. D. D.

A U C T O R.

T A B U L A XLIII.

Fig. 1—3.

P S O R A D E C I P I E N S.

Psora decipiens, tartarea aggregata lateritia; tuberculis marginalibus nigris.

Lichen decipiens, trunco complanato simplici oblongo, rotundatoque, decumbente; supra lateritio, infra marginibusque albo; scutellis terminalibus convexis, Hedw. stirp. crypt. Tom. II 7. t. 1. B. Diekf. pl. crypt. fasc. II. 21. Wither. bot. arrang. III. 183.

Lichen elveloides, Wulf. Jacqu. collect. III. 108. t. 3. f. 3.

Lichen proreiformis, Latourrette, Chlor. lugd. 36.

Lichen pantospermus, Villars, Hist. Tom. III. 969. t. 55.

E particulis contiguis suborbiculatis conflatus cespes, substratus vel terra vel musco vel gelatinosa fugaci crusta. Singula frondosa folia scutellam mentiuntur ab initio; magis expansa irregularia fiunt, variamque formam acquirunt, plano-depressa, medio saepe contracta, per marginem sinuato-repanda albida, ex inferiori prominula superficie, margine vel integro vel dilacerato crenulato, tuberculis nigris ab initio albo-marginatis, demum ex plano convexis, obsito. Intra haec tubercula nidulantur thecae exilissimae corpusculis seminiformibus foetae. Discus frondis lateritius, deterfus cinereus vel albidus.

In aliis diversis a prioribus frondosis particulis, orbiculatis, pallide roseis, stigmata seu punctula saturatius rubentia 2—3 emicant (genitalia mascula Hedwigii). Haec aetate fuscescunt, illa marginem nigricantem pulverulentum quasi acquirunt. Sunt etiam plane sterilia, in quibus neque stigmata, neque tubercula observare licet.

Vol. II. Fasc. IV.

T



Locus. Crescit in montosis ericetis, subalpinis Galliae, Angliae, Scotiae, Germaniae. Ad terram promiscue cum Lich. lentigero albo et citrino, candido, scruposo, aliisque:

Explicatio Figurarum.

1. Terrae glebulâ cespite hujus Lichenis tuberculati obfita.
 - a. Particula medio contracta.
 - b. Frondulae connatae margine tuberculiferae. Ex his particula seorsim
 - c. marginatis tubercula.
 - d. Scutelliformis junioris frondis exemplar. Haec ad lentem modice augmentem picta.
2. Alius cespes ex particulis frondosis magis convexis conflatus.
 - e. explanatae frondes, in
 - f. orbiculata et tribus stigmatibus notata.
 - g. Senescentes ex his tertia, margine in pulverem nigricantem resoluta.



T A B U L A XLIII

Fig. 4—7.

UMBILICARIA CORRUGATA.

Umbilicaria corrugata, reticulato-rugosa, undique nuda.

Lichen mesenteriformis, Ehrh. plant. crypt. exsicc. dec. IX. 89.

Truncus seu potius frondosum folium unciale, orbiculatum, margine lac-
rum; supra a periphèria centrum versus rugoso vel reticulato crispum: rugis
saepe squamoso-foliaceis, hinc inde crinitis, a centro peripheriam versus
penitus oblitteratis, protuberantibus tantum papillis minimis, fere ut in cute
anserina. Color cinereo-fuliginosus, deustus quasi ad marginem; inferne
pallidus, subfuscus, cervinus, adspersis in quibusdam subulatis vel ramosis
radiculis.

Tubercula fere sessilia, parva, atra; ad lentem semicircularibus fulcis
utplurimum exarata, complanata vel convexa;

Substantia vel natura Lichenis sicca coriacea, tamen rigida; lenta, pel-
lucida, et obscure ex pullo virescens aquae immersa; longe tenuior quam in
reliquis Umbilicariis.



Locus. Crescit iisdem in locis cum Umbil. crinita promiscue, supra nuda saxa et rupes montis Bruçteri haud infrequens.

Explicatio Figurarum.

4. Superior frondis pagina, rugis in hac squamatim imbricatis.
 - a. Particula lente aucta.
5. Frondis exemplar angustioribus rugis peripheriam versus sensim oblitteratis.
6. Inferior ejusdem glabra superficies.
7. Annosior Lichen rugis protuberantibus condensatis.
 - b. Tuberculum seorsim semicircularibus fulcis exsculptum.



♦ ♦ ♦ ♦ ♦

. T A B U L A XLIV.

Fig. 1—9.

U M B I L I C A R I A C R I N I T A.

Umbilicaria *crinita*, imbricato-plicata, margine undique
crinita.

Lichen *probofcideus*, umbilicatus explanatus, lobisque centralibus; radicibus marginalibus sub-
marginalibusque ramosis, fuscoatris, scutellis per superficiem dispersis disco concentrice sul-
catis, anthracinis Hedw. Stirp. crypt. Tom. II. 5. t. 1. A. With. bot. arrang. III. 208.

Lichen *corneus*, Latourrette, Chlor. lugd. 36.

Lichen *probofcideus*, Wulf. Jacq. Misc. II. 80. t. 9. f. 2.

Lichen *probofcideus*, Ehrh. plant. crypt. exsicc. Dec. II. 19.

Lichen *crinitus*, umbilicatus margine crinitus, peltis nigris concinnatis subpedunculatis Lightf.
scot. 860. Smith, Flor. lapp. 359.

Lichen *polyrhizos*, Weis, crypt. 81. Web. spicil. 265.

Lichen fronde imbricata, subrotunda, punctata, inferne villosa atris scutellis Hall. hist. III. 2000.
t. 47. f. 4.

Lichenoides *corneum* marginibus eleganter fimbriatis Dill. musc. 218. t. 29. f. 116.

E centrali tophacea radice in orbem spargitur frons uncialis, bi-triuncialis
diametro, lobato-plicata: lobis depressis, centrum versus coacervatis, per
marginem rotundatis, crenulatis, praemorsis laciniatis et in fimbriis divisis.
Fimbriae nunc simplices, nunc ramosae, modo longiores et crassiores, modo
breviores et frequentiores, denso quasi tomento marginem cingentes. Super-
ficies cinerea in fuliginosum colorem tendens, rugulosa, hinc inde nigrican-
tibus punctis exasperata (mascula organa Hedwigii). Praeterea frondi inna-
scuntur copiosa tubercula ab initio scutelliformia atra plana, dein semiglobosa,
globosa, perbrevis pediculo insidentia et veluti e setis circinnati mductis con-
texta, simplici serie vel etiam pluribus deinceps positus fulcis vel vorticibus,

Vol. II. Fasc. IV.

U



centro introlabente triangulari, lunulato, lineari et etiam plane oblitterato. Facies inferior laevis quidem, hinc inde tamen subulatis, ramosis radiculis conspersa, cinerea, fuliginosa, dilute fusca, rutilans. Aetate sparsae fimbriae plane evanescunt in margine, inferne sparsim adhaerent, superne erosa ac rimosa apparet superficies.

Substantia rigida coriacea, aquae immersa lenta flaccescens, subpellucida, obscure ex cinereo viridis.

Locus. Nascitur in montosis, alpinis Galliae, Angliae, Scotiae, Helvetiae, Germaniae etc. Exemplaria depicta in monte Bruëtero Hercyniae legi.

Observatio. Tubercula ex sulcis circularibus contorta (gyroma Perf.) forsan denominationi proboscidem Elephantis exprimenti ansam dedere, quam vero ob linneanae speciei incertam definitionem, et aliarum hujus generis, ratione tuberculorum habita, convenientiam mutare satius duxi.

Explicatio Figurarum.

- 1, 2. Umbilicaria crinita a superiori et inferiori facie, sicca et nativa magnitudine.
3. Marginis particula ad lentem cum fimbriis aucta.
4. Tubercula seorsim ab anteriori et laterali facie, lente depicta.
5. Frondis exemplar brevioribus ac densissimis fimbriis undique crinita.
6. Lichenis hujus exemplar ab inferiori parte depictum, tuberculorum pedunculis sic melius conspiciendis.
8. Lichenis corni (Latourrette) exemplar a superiori facie.
9. Tubercula ejusdem scutelliformia.
7. Exemplar per aetatem erosum, ac denudatum fimbriis.



T A B U L A XLV.

Fig. 1—5.

PLATISMA AQUATICUM.

Platisma aquaticum, foliaceum subcoriaceum imbricatum lobatum: lobis obtusis.

Lichen aquaticus, Weis, crypt. 77.


Lichen fluviatilis, Web. spicil. 265. t. 4.

Lichen fluviatilis, Ehrh. plant. crypt. exsicc. dec. 4. 39.

Lichenoides imbricatum luridum Dill. musc. 224. t. 30. f. 128.

Cespes ex lobata fronde conflatus. Lobi plicati imbricatim locati, per margines obtuse sinuati incurvi, inaequali magnitudine. Superior pars saturate et sordide viridis madefacta, laevis; sicca cinerea nebulosa, ex contractione in rugas vel lacunulas depressa, passim glomeratis fuscis, punctatis verrucis respersa. Scutellae si adsint, rariores sessiles, orbiculares, margine foliis concolore crasso, disco rufescente instructae sunt, in quibus superficies plane nuda, vel innumeris punctis pertusa. Inferne folia ad margines ochroleuca, fusca, interiora versus nigricantia, rugulis levidensibus exasperata.

Substantia lenta subcoriacea, in siccitate rigidiuscula, intus albicans. Odor mucidus urinofus. Sapor debilis.



Locus. Ad Saxa intra aquarum rivulos Angliae, Germaniae. In fluviis Hercyniae die Brenke inter Braunlage et Schierke, inter Claufsthal et Schlufs.

Explicatio Figurarum.

1. Planta humectata punctis pertusa.
2. Planta sicca, verruculosa.
3. Planta scutelligera.
4. Tubercula ad lentem conspecta.
5. Scutellae seorsim nativa magnitudine.



T A B U L A XLVI.

Fig. 1—3.

P L A T I S M A F A L L A X.

Platisma fallax, foliaceum diffusum, laciniatum crispum;
scutellis terminalibus.

Lichen glaucus, Wulf. Jacq. Collect. 4. 276. t. 19. f. 2. (exclus. Syn.)

Lichen fallax, Web. spicil. 244. Dickf. Crypt. 1. 13. With. bot. arrang. 3. 193.


Lichenoides membranaceum tubae fallopianae aemulum Dill. musc. 165. t. 22. f. 58.

Lichen alpinus, membranaceus, elegans, in amplas lacinias divisus, inferne albus, superne glauco subvirescens, receptaculis florum amplioribus, interna parte fuscis Mich. gen. 75. t. 37.

Ex eodem centro in palmarem saepe latitudinem diffusum, profunde laciniatum: laciniis adscendentibus latefcentibus, per margines sinuatis tenuiter et multifariam divisus, fimbriatis, granulosis vel pulverulentis. Superficies prona ex albo et viridi mixta in recenti, ex glauco albicans in desiccata planta, lacunis et rugis levibus exarata, nigris convexo-planis verrucis hinc inde adpersa.

Superficies supina ad margines candicans nitens, admixtis nigris vel fuscis maculis, centrum versus plane nigra. Scutellae laciniis extremis infident terminales, explanatae, madidae virescences, ficcae spadiceae, margine et collo contractae rugosae, eodem cum foliis colore; integerrimae, etiam crenulatae, laciniatae, disco convexo irregulariter protuberante.

Natura flexilis perquam mollis irrigata, rigidiuscula membranacea ex siccitare.



Locus. Supra Abietum corticem, locis montosis Germaniae, Carinthiae, Angliae etc.

Observatio. Licheni glauco Enum. meae Lich. (p. 91.) affinis quidem, sed scutellarum situs, foliorum divisio, substantia ac color cum eo discrepant.

Explicatio Figurarum.

1. Intra chartam desiccata planta a superiori et
2. inferiori facie.
3. Scutelligera alia, nativa forma ac colore.





T A B U L A XLVII.

Fig. 1—3.

P L A T I S M A D I S S E C T U M.

Platisma dissectum, foliaceum depressum sinuato-dissectum, subtus venoso-tomentosum; scutellis sparsis excavatis.

Lichen dissectus, foliaceus, depressus laciniato-lobatus (junior multifidus) obtusus laevis utrinque albidus, peltis concavis sparsis Swartz, prodr. 147.

Frons quaquaversus et in orbem plerumque expansa, superne laevis albida (in sicco), ex glauco vel cinereo virescens (in humido), in sinus vel lacunulas superficiales depressa; inferne ex albo in fuscum tendens, tomento venoso ad basin obscure fusco vel nigricante, arborum truncis et Muscis adhaeret. Margines profunde dissecti, sinuato-lobati: lobis laciniatis crenulatis obtusis vel truncatis, depressis, hinc inde etiam imbricatis.

Scutellae ab initio parvae verrucae, quibus punctum exiguum in medio est, quae dein augentur ad lentis usque magnitudinem, cupulae similes, disco excavato rufo, in siccitate fusco-rufo, margine frondi concolore crispo vel crenulato. Substantia lenta, subcoriacea.

Locus. Ex Jamaica attulit et ad me transmisit cel. Olof Swartz.



Observatio. Exceptis glomerulis illis, quae Lich. laciniato Hudf. adnasci solent, quibus vero depicta nostra exemplaria plane distituebantur, magnitudine, tomento subtus venoso paucisque tantum aliis notis ab eo differre videtur.




Explicatio Figurarum.

1. Intrâ chartam exsiccata planta a superiori et
2. inferiori facie.
3. Scutelligerum Exemplar ut in charta detentum se ostendebat.




1.



*Cladonia
cometa*



2.



*Squamaria
stygia*



1.

*protellaria
intestina*

a




2.



a

*usnea
cylindrica*



c

3. *amblystoma*

bellia




a



d



e




b

Sturm. Del.

Capitulum. sculpt. 1791.

1.



a Nerviana b



ventra



c



d



2.



pat. lina
vitulina


a



b




1.



*umbilicaria
pustulata*

2.



J Sturm Del.

Capieux sculp. 1791.




1.


*Cladonia
subuliformis* 3.



2.



4.




*Umbilicaria
pustulata*

J. Sturm Del.


Copieux, sculpt. 1791.

Tab XXX.

Minea
brista 1.



Minea
2. *florida*



verrucosa
granulata
3.



Autor. Del.

Copied from original. 1791.

REVERENDISSIMO AC CELSISSIMO
S. R. I. PRINCIPI AC DOMINO
D O M I N O
G E O R G I O C A R O L O ,
DEI GRATIA
E P I S C O P O W I R C E B U R G E N S I
FRANCIAE ORIENTALIS DUCI ETC. ETC.
DOMINO DOMINO LONGE CLEMENTISSIMO,
DE PUBLICA SALUTE BENEMERENTISSIMO
MUSARUM OMNIUMQUE ARTIUM AC SCIENTIARUM
P A T R O N O
H U N C F A S C I C U L U M
DEVOTE SACRAT
GEORG. FRANC. HOFFMANN.



T A B U L A XLIX.

Fig. 1.

T A B U L A LI.

Fig. 1.

P A T E L L A R I A F R O N D O S A.

Patellaria frondosa, leprosa, farinoso-crustacea, scutellis coccineis margine crusta concoloribus.


Lichen *coccineus*, saxatilis late effusus; crusta farinosa leprosa flava; scutellis immerfis difformibus coccineis Perf. in Ann. bot. II. 17.

Lichen *porphyrius*, crusta leprosa pulverulenta tenui, pallescente-alba; scutellis prominulis orbicularibus coccineis Perf. in Ann. bot. II. 17. Var. β Lich. Haemat.

Verrucaria frondosa Flor. Germ.

Late effusa crusta, modo crassior, modo leprae similis farinosa sparsa, praefertim si lapidi arenario innascatur, per crustam hinc inde emicanti. Color ex glauco vel flavescente in viridem tendit, vel ex cinereo pallescit. Superficies undique similis.

Scutellae sparsae quidem, hinc inde tamen etiam adproximatae, lacte sanguineae, crassiori crustae immerfae ab eaque margine concolore oblinitae aequae farinose. Altius progressae demum e crusta emergunt saturatiùs coloratae, margine conspicuo integro vel varie flexo crenulatove cinctae.



Locus. Exemplaria in montosis Hercyniae lecta, saxum porphyrium longe lateque incrustant; alia in vicinitate nostrae urbis (Gottingae) tenuissime saepe in frondem orbicularem expansa in lapide arenario inhabitant.

Observatio. Cum V. Haematomma, quam t. II. sistit, multis modis quidem convenit, certis notis vero ab ea satis superque dissentit, praecipue crusta friabili leprosa, neque calcarea neque tartarea dicenda, scutellarum figura, quibus perpetuum ac constans est, habere marginem distinctum, ut nihil dicam de coloris varietate. Arenario lapidi innascens crusta tenuior, scutellae minutae tumentes irregulares. Hae vero post aliquot tempus crustae partem secum trahunt et distinctum acquirunt marginem. Color pallescens glaucus in eodem saepe individuo immiscetur viridi-flavescenti. Etiam omni scutella orbata, faciem leprae habet sulphureae *Ehrh. crypt. exs. 208.* Vix, opinor, specie diversum esse *Lich. porphyrium* T. 51. depictum, Crusta albicans est, inaequalis, leproso-tartarea, saltem ad lentem farina adpersa, scutellae saturate coccineae marginatae; Uno verbo quoad crustam spectat V. Haemat. quoad scutellas P. frondosam. Exemplaria viva *Lich. coccinei Dickf.* quae in horto suo brittanico sicco 5, 24. continentur, certe conveniunt cum illo porphyrio magis, quam cum nostra frondosa.

Explicatio Figurarum.

Tab. XLIX. Fig. 1. Exemplar Lichenis frondose super arenarium lapidem expansi.

a, b. Portiones crustae partim ope vitreae lentis conspectae.

Tab. LI. Fig. 1. Exemplar Lichenis porphyrio innascens saxo.





T A B U L A XLIX.

Fig. 2.

P A T E L L A R I A F U M O S A.

Patellaria fumosa, crustacea tartarea rimosa fuliginosa, scutellis immerfis nigris, disco conico.

Verrucaria fumosa, Flor. Germ.

Crusta late serpit rimosa quidem, perpetua tamen et aequabilis, colore ex cinereo fuliginoso, versus peripheriam dilutior, ultra semilineam vix crassa, demum a lapidis natura, quem obducit, aegre distinguenda. Ad lentem accuratius considerata rimosa non solum conspicitur, sed inter areolas quoque cicatricosa varieque in scrobes depressa et squamulosa; ubi hoc peculiare est, quod discissa areolarum substantia cornea quasi cultello renitens, interius fusca, admixto per ambitum virore tincta adpareat.

Scutellae sparsae sunt ab initio depressae, ex Schisti colore nigrae, tenui margine concolore oblinitae; maturae se efferunt subsidente margine, tamen conspicuo, disco vero in mammillam convexam seu conum brevem elevato. Substantia interior similis, cornea, nigricans.

Locus. Ad saxa arenosa non infrequens, in rupibus Gottingae vicinis.

Explicatio Figurarum.

Lapidis portio, cui innascitur Lichen nativa forma ac colore depicta.

a. Crustae particula una cum scutellis ope lentis vitreae conspecta.

b. Abrasae crustae et humectatae particulae, ut fabrica duplex interioris substantiae conspici queat.

A 2



T A B U L A L.

Fig. 1—2.

VERRUCARIA PETRAEA.

Verrucaria petraea, crustacea subcinerea, scutellis nigris depressis concentricis.

Lichen *petraeus*, leproso - crustaceus, suborbiculatus, e cinereo virore albens impalpabilis, tuberculis lentiformibus atris opacis immarginatis subconcentricis oblitis Wulf. in Jacq. coll. 3. 116. t. 6. fig. 2. lit. a.

Verrucaria petraea, Flor. Germ.

Crusta tenuis impalpabilis cohaerens aequabilis, in maculas extensa sub-orbiculares, colore ex cinereo in lividum, subfuscum, magis tamen in albidum vergente, rimosa ad lentem potissimum: rimis capillaribus in areolas fissa.

Scutellae in crustae areolas impressae iisque sublinitae, vel simplices, vel adeo contiguae, ut reapse confluere videantur, aut certe confluant; planae ceterum, margine concolore nigro non valde conspicuo, in humido praesertim, cinctae, disco depressiusculo. Collocatio scutellarum in hac specie peculiaris est. Etenim in subconcentricas series vel circuli segmenta ita coordinatae sunt, ut interiora versus continuo in angustiores series coarctatae et pressius sibi adnatae vel plane confluentes conspiciantur.

Locus. Haud infrequens in saxis rupestribus, in arenoso lapide, ubi dilutior crusta esse solet.

Observatio. Occurrit non raro crusta maculiformis vix, nisi colore, a lapidis natura distinguenda, cui insident scutellae nigrae complanatae Lich. punctato similes, contiguae subconcentricae. A confinis: V. contigua et pantherina scutellarum situ ac figura, nec non crustae conformatione praecipue distinguitur.

Explicatio Figurarum.

Fig. 1. Monstrat exemplar huius Lichenis, quod debeo rev. Abb. *Franc. Xav. a Wulfen*, in quo scutellae minus ordinate collocantur, ad lentem si conspicias vix peculiari margine instructae, vel tamen ita in areolas crustae impressae, ut aegre is conspici queat.

Fig. 2. Eundem Lichenem sistit arenarium lapidem incrustantem, nativa forma ac colore.

a. Particula crustae ope lentis vitreae aucta, rimosae, una cum scutellis pressissime sibi adnatis, proprio margine vel adscititio ab areolarum elevatione, foveisque aliquibus insignitae.

b. Scutellae solitariae.



T A B U L A L.

Fig. 2. c.

P A T E L L A R I A A U R E L L A.

Patellaria aurella, acrostacea, scutellis minutis flavis margine concolore cinctis.

Lichen scutellis nudis sessilibus flavis Enum. Lich. t. 6. fig. 6.

Verrucaria aurella, Flor. Germ.

Vix opinor specie a *P. vitellina* t. 26. fig. 2. delineata differre, nisi quod scutellae undique per lapides sparsae sint fere nudae, plano-convexae, tenuissimo margine, absque vitrea lente vix observando, oblinitae. Color disci, ex aureo plus minusve flavescens, marginis dilutior.

Locus. Frequens inter alios Lichenes ad arenaria saxa.

Explicatio Figurarum.

Fig. 2. c. In eodem lapide cum *V. petraea* et *P. dispersa* delineatae exhibentur scutellae sparsae, aurellae.

d. Scutella solitaria ad lentem vitream aucta.



T A B U L A L I.

Fig. 2.

P A T E L L A R I A B A D I A.

Patellaria *badia*, crustacea tartarea olivaceo-cinerea rimosa, scutellis plano-convexis badiis margine crusta concolore.

Lichen *badius*, crusta leprosa olivaceo-cinerea: scutellis majusculis confertis margine crusta concoloribus Pers. in Ann. bot. 7. 27.

Lichen *fuscatus*, crusta tartarea verrucosa ex olivaceo fusca, scutellis confertis margine crusta concoloribus Schrad. spec. 83.

Verrucaria *badia* Flor. Germ.

Crusta tartarea satis crassa, a centro peripheriam versus tamen extenuata varieque in orbicularem saepe figuram extensa, lineisque nigris veluti circumsepta, etiam sine his, per superficiem rimoso-verrucosa, e cinereo sensim versus centrum in olivaceum vel ignobiliorem colorem tendens, interius discissa albicans.

Scutellarum insignis in centro reperitur proventus, adeo saepe confertae, ut totam crustam penitus obscurant, pressissime hinc inde sibi adnatae, flexuosae, plano-convexae, saturate ex olivaceo fuscae vel badiae, margine cinctae integro vel leniter undulato, coloris ejusdem subjacentis crustae, cinerei vel fusco olivacei.

Locus. Ad saxum trapezium Hercyniae. Etiam ad Basalten.



Observatio. Habita denominationis ratione Lichen *badius* crustaceus fuscus, scutellis planis badiis *Swartzii*, in *nov. Act. Ups.* 4. 217. designatus, in multis cum nostro consentire, at, exemplaribus inter se comparatis, potius cum Lichene brunneo *Ejusd.*, multifloro *Ehrh.* convenire ille, noster vero satis diversus esse videtur.

Explicatio Figuræ.

Saxi fragmen trapezii Lichene badio, geographico, albo-atro aliisque incrustatum nativa forma ac colore exhibetur.





T A B U L A LII.

Fig. 1—3.

T A B U L A LIII.

Fig. 4—6.

P A T E L L A R I A G L A U C O M A.

Patellaria Glaucoma, crustacea albida, scutellis pallidis, velatis caesiis, nigricantibus.

Lichen leprosus albicans, tuberculis glaucis, demum erumpentibus atris Enum. Lich. t. 5. f. 4.

Lichen rimosus, leprosus albicans; crusta rimosa infulis subrotundo-angulosis; scutellis glaucis albo margine, Dickf. fasc. 1. 12?

Lichen sordidus, crusta leprosa late effusa fordide cinerea, scutellis sparsis pulverulentis albido-cinereis Pers. in Ann. bot. 7. 26.

Lichen albido-caesiis, crusta tartarea albida, verrucis caesiis pruina albida conspersis Schrad. spic. 87.

Lichen rimosus, crustaceus albicans, frustulis subrotundo-angulatis, scutellis glaucis albo-marginatis Retz. scand. 2. 1529. Fl. dan. t. 468. fig. 3?

Lichen varians, crustaceus albus, scutellis atris nitidis: margine albo Davies. in Transact. lin. 2. 284. t. 28. fig. 3.

Verrucaria Glaucoma, Flor. Germ.

Crusta late, hinc inde orbiculatim per lapides effusa, plus minusve albida, senectuti proxima in fordide albidum, vel ex albido in olivaceo-cinereum vergens colorem. Superficies rimosa, in quibusdam etiam verrucosa.

Scutellae colore aequae ac forma notabili modo variant, tot earum diversitates a me deprehensae sunt, ut singulis figurandis par non fuerim. Interim omnes in eo conveniunt, quod ab initio pallidae, depressae sint,



eiusdem frequenter cum crusta coloris, dein ex caesio glaucescant pellicula (quasi pruina) obductae, qua abscedente demum convexiores fiant, nigrescant. Marginis non una eademque facies, interdum integer aequalis, interdum flexuosus crenulatus adparet. Substantia interna similis carnosae.

Locus. Ad faxa arenaria, porphyria, Basalten.

Observatio. Aetatis primum ratio habenda, tum loci natalis, quippe quae non pauca in Lichene mutant, et magnitudinem non solum, sed etiam colorem aequae ac figuram mirum in modum variant.

Explicatio Figurarum.

- Tab. 52. Fig. 1. Sifit peculiarem huius Lichenis varietatem scutellis et crusta ochreo-pallidis, elevatis, per lentem margine undulato, hinc inde quasi duplicato cinctis.
- a. Particula crustae una cum scutellis ad lentem aucta.
- Fig. 2. Exemplar adumbratur, in quo scutellae depressiores albido-caesiae.
- b. Particula crustae magis rimosae cicatricosae ad lentem expressa.
- Fig. 3. Crusta orbicularim effusa, innumeris minutis scutellis, partim crusta concoloribus, partim albido-caesiis testata.
- c. Particula crustae una cum scutellis ad lentem aucta magnitudine delineata.
- Tab. 53. Fig. 4. Exemplar aliud, in quo scutellae sparsae e crusta hinc inde elevatae adproximantur fig. 1. t. 52. partim depressae albido-caesiae conveniunt cum fig. 2. ejusd. tab.
- d. Particula crustae una cum scutellis ad lentem vitream depicta.
- Fig. 5. Exhibet exemplar, in quo scutellae sparsae fenestuti proximae nigrescunt, intermixtis aliis adhuc pellicula obductis.
- e. Particula crustae una cum scutellis ad lentem observata.
- Fig. 6. Scutellae in hoc exemplari omnium minutissimae, numerosissimae partim convexae albido-caesiae, partim depressae crustae concolores marginatae. Lich. geographici varietas singularis, obducit mappae geographicae ad instar reliqua lapidis spatiola.
- f. Particula una cum diversicoloribus scutellis ad lentem vitream spectata.





T A B U L A LIV.

Fig. 1.

VERRUCARIA FUSCOATRA.

Verrucaria fuscoatra, crustacea cinereo-fusca rimosa, scutellis nigris depressis contiguis crustam aequantibus.

Lichen *fusco-ater*, leproso-crustaceus, farinaceus, obscure griseus; tuberculis lentiformibus immarginatis atris Wulf. in Jacq. coll. 2. t. 14. fig. 3.

Verrucaria fuscoatra, Flor. Germ.

Crusta latissime per saxa diffusa tenera aequabilis rimosa; crassior rimoso-verrucosa, coloris e cinereo dilute rufescentis, fusci, vel (ut verbis utar Wulfenii) in dilutissimam velut umbrae nigredinem emorientis, admixto tamen semper aliquid rufescentis.

Scutellae copiosissimae depressae vel inter areolas crustae impressae, ab earumque mutuo contactu quasi angulatae, contiguae, nigrae, ad lentem margine obscuro concolore cinctae; diversae magnitudinis in aliis, in aliis minutae aequales.

Locus. Ad saxa in rupestribus montosis. In arenoso lapide apud nos, nunquam in cortice vel ligno.



Observatio. Bene oculatum requirit inspectorem, caute enim et circumspicte a congeneribus aliis, quas in Flora germanica enumeravi, distingui debet.

Explicatio Figurarum.

Fig. I. Sistit exemplar hujus Lichenis ab ipso rev. a *Wulsen* mecum benevole communicatum, nativa forma ac colore.

a. Particula crustae una cum scutellis ad lentem vitream delineata.



T A B U L A LIV.

Fig. 2.

VERRUCARIA GEOGRAPHICA.

Verrucaria geographica, crustacea rimosa tessellata lutea, scutellis depressis nigris in lineas confluentibus.

Lichenoides nigro-flavum, tabulae geographicae instar pictum Dill. musc. 126. t. 18. fig. 5.

Lichen geographicus, leprosus flavescens, lineolis nigris mappam referens Enum. Lich. t. 3. f. 1.

Lichen geographicus, leprosus, flavescens, lineolis ramosis punctisque nigris mappam referens Roth, Germ. 492.

Verrucaria geographica, leprosa flavescens mappiformis tuberculis nigris punctisque in lineas curvas notatis Humb. frieb. 43.


Verrucaria geographica, Flor. germ.

Crusta tenuis late expansa, nigra, cui insident areolae luteae, e luteo virescentes, argulosae, rotundatae, figurae variae, contiguae, lineis nigris vel interceptae, vel a subjecta crusta circumlinitae.

Scutellae intra areolarum intersectiones collocatae, vel potius impressae, nigrae, plerumque contiguae, aliquando in lineas coordinatae, confluentes, ad lentem vix conspicuo margine cinctae, disco subsidente.

Locus. In rupestribus montosis, saxosis, per quatuor mundi plagas.

Observatio. Luteus color exalbescit vel in fuscum senescit. Occurrit particulis eleganter aureo-luteis, majoribus, a scutellis protuberantibus ocellatis. Occurrit aliis minoribus rotundatis flavo-virescentibus, ocellatis,



dispersis; occurrit denique aliis minutissimis cohaerentibus areolis nudo oculo vix inter se distinguendis, qualem sistit *fig. 6. t. 53*. Seminum conformatio ad lentem maxime augmentem considerata (thecis enim inclusa sunt femina stupae filamentosae scutellarum connatis) affinitatem et transitum ad *Opegraphas* indicat.

Explicatio Figurarum.

Fig. 2. Exemplaria duo hujus Lichenis exhibentur, quorum

- b.* supremum ostendit eam varietatem particulis majoribus contiguis ocellatis.
- c.* Ad lentem consideratae hae particulae, in
- d.* punctis nigris notatae scutellisque interceptae angulosis confluentibus.

Infimum ostendit *V. geographicam* intermixtis et circumseptam aliis Lichenibus: sulphureo, tessellato et nigro.

- a.* Particula areolarum una cum scutellis ad lentem vitream aucta.



ILLUSTRI VIRO
G E O R G I O B E S T ,

MAGN. BRIT. REGI AB AULAE CONSILIIS ET IN SANCTIORI
MINISTERIO A SECRETIS SOC. REG. LONDINENSIS,
IMPER. OECONOM. PETROPOLIT. ETC.
SODALI

SCIENTIARUM UTILIUM INQUE HIS REI BOTANICAE

PATRONO AMICO FAUTORI
H U N C F A S C I C U L U M

DEDITAE AC OBSTRICTAE MENTIS

S I G N I F I C A T I O N E M

C O N S E C R A T

GEORG. FRANCISC. HOFFMANN.

T A B U L A LV.

Fig. 1. 2.

PLATISMA FILIX.

Platisma Filix, stipitatum erectum dilatatum, laciniatum, sub-
tus venosum croceum, punctis excavatis conspersum.

Lichen *Filix*, fronde stipitata, bifida laciniata, lobata: lobis obtusis crenatis, scutellis spar-
sis planiusculis Lin. fil. Meth. musc. in act. med. suec. T. 1. p. 201. t. 15. f. 1.

Lichen 584. Fonst. prodr. Flor. austr. append.

Stipite brevi nudo in frondem dilatato fibrillisque numerosis instructo, terrae muscisque adnascitur. Simplex frons in sat amplas lacinias divisa ultra mediam ejus partem, iterumque subdivisa in angustiora segmenta, angulorum marginibus sinuatis, rotundatis, obtusis. Ultimi fines excisi crenulati quasi crispum constituunt marginem. Facies prona glabra, plana et compressa in exemplaribus exsiccatis, lacunis et rugis superficialibus exarata, stipitem versus altius ductis, coloris e cinereo rufescentis vel vaccini. Facies supina ex ochreo et coriaceo in elegantem croceum vergit colorem, tomento ex villo perbrevis spongioso obducta in plicas seu rugas elevata, a peripheria frondis et laciniarum stipitem versus convergentes, sensimque crassiores. Pustulae minutissimae ore tenui apertae, intra villos quasi immerse, prope marginem adparent nuda.



Scutellae in prona superficie sparsae, in extremis laciniis sitae, orbiculares sunt et sessiles, rufo-fuscae, margine concolore sat crasso oblitae; majores ex plano convexae fiunt, margo gracilescit.

Substantia solida lenta tenax quasi subcoriacea, eo crassior quo stipiti proximior.

Locus. Depicta exemplaria ex ipsa *b. Forsteri* collectione siccarum plantarum, Auctorisque Flor. Insul. austr. prodr. manu propria numero citato insignita. In nova Zelandia habitare, testem habeo b. Lin. fil., qui loco adducto frondem bifidam descripserat, forsan in unico exemplari obviam. Mihi olim dictum genus *Lichenum*, fronde foliacea lobata dilatata, *Platisma* (Plant. Lich. 1. 68.) etiam nunc sub generico nomine *Lobaria* comprehendo, in altera Florulae Germanicae parte.

Explicatio Figurarum.

1. Integrum exemplar sistit, quale intra chartam servatum apparebat, colore ac figura.
2. Idem ab inferiori parte spectatum. Stipiti adnascitur *Jungermanniae* species, quoad folia *Javanicae* similis.



T A B U L A LVI.

Fig. 1.

PSORA CORONATA.

Psora coronata, crusta cinerea granuloso-foliolosa, scutellis rufescentibus depressis a crusta marginatis.

Verrucaria Coronata, crusta cinerea leproso-granulosa; scutellis rufescentibus depressis a crusta granuloso margine cinctis, disco convexo Flor. Germ. 2. 175.

Iam nudis oculis crusta granulosa cinerea in caerulefcentem vergens colorem, grumosa quasi, ad lentem ex fragmentis quasi coagmentata minorum foliolorum, conspicienda.

Scutellae undique crustae insident et a prima aetate marginem acquirunt ex iisdem crustae granulis compositum. Interior pars seu discus convexus, e carneo vel ferrugineo colore rufescit, quibus notis praecipue differt a confinibus: *Verrucaria* nempe *rubella*, leprosa albido-flavescente cinerea, scutellis rufescentibus margine pallidiore cinctis et *Psora pezizoidea*, leprosa granuloso-foliolosa subcinerea, scutellis depressis luteo-rufis margine proprio crenulato cinctis; nec non ab ejus varietate *nebulosa*, cui crusta obscurior, una cum scutellis frequenter brunnei vel nigricantis coloris.



Locus. In terra super Muscis, in faxis. Depictum exemplar faxis
adnascens e Gallia nomine Lichenis vernalis La Tourette accepi.

Explicatio Figurarum.

Naturali est acuta magnitudine depicta particula.





T A B U L A LVI.

Fig. 2.

PATELLARIA CALCARIA.

Patellaria calcaria, crustacea effusa lactea, scutellis convexis
atris a crusta marginatis.

Lichen calcarius WEIS. crypt. 40.

Verrucaria calcaria Flor. germ. 2. 185.

Crusta effusa in maculas irregulares, margine rotundato varieque confluenta, colore candicante. Substantia dura calcarea, friabilis; in siccitate rimosa alba, aequabilis tamen et vix nisi humore irrigata abscindenda.

Scutellae utplurimum magnitudine aciculae caput aequantes, crustae infident, sparsae vel adproximatae, contiguae, nigrae, hinc inde minores quasi pruinatae, planiusculae, margine tenui a crusta proveniente cinitae, eiusdem cum crusta coloris, etiam magis convexo disco, prominente, nitente aterrimo, tamen persistentis. Interior natura eiusdem cum superficie coloris.

Locus. Rupibus adnascitur et lapidibus sparsis, praecipue in vicinitate urbis nostrae.

Vol. III. Fasc. II.

B



Observatio. Lichenoides tartareum tinctorium candidum, tuberculis atris Dill. Musc. t. 18. f. 8., quod est Lich. calcarius auctorum quorundam, distinctam suspicor speciem constituere, cui tubercula adscribit Dillenius inventu rariora, atra, nullo margine cincta. Aliam varietatem vel subspeciem non male vocabat *cretaceam* b. Ehrhardus (Beitr. 7. 12.), crusta enim apparet candidissima farinosa tamen cohaerens cretacea; Scutellae vix emergentes, pruina quasi ab initio contexta sunt.

Explicatio Figurarum.

Lapis integer hoc Lichene, aliisque crustaceis interspersis obductus.
Particula crustae cum emergentibus scutellis separatim, auctiore mole.



T A B U L A LVII.

Fig. 1.

PATELLARIA TIGRINA.

Patellaria tigrina, crustacea aequabilis lacteo-candida; scutellis nigris depressis a crusta marginatis, demum convexis, contiguis excentricis.

Verrucaria tigrina Flor. germ. 2. 185.

Apriori calcaria jam primo aspectu crusta, saxo porphyrio innascens, distinguitur, expansione aequabili undique, neque peculiari margine limitata, cohaerens, interceptis insulis hinc inde lineaque nigra circumseptis paucis, arctissime lapidi adnata, nec aliter nisi abradendo ab eo separanda; coloris lacteo-candicantis vel paulo sordidioris et in carneum quasi vergentis. Ad lentem si conspiciatur subtilissime adparet crusta rimosa.

Scutellae numerosissimae, ab initio vix a crustae areolis distinguendae, depressae, nebulosae; dein emergunt maculiformes, nigrae fluctuante margine a crusta proveniente, demum convexae, flexuosae, (sub lente etiam cicatricosae, at non semper) aterrimae praesertim humore irrigatae, et in lineas excentricas vel areolas adparent coordinatae; etiam si adproximatae tamen quaevis scutella a vicina, margine suo proprio vel rima remanet seiuncta.



Locus. In rupibus saxo porphyrio adnasci solet. Prope Ihlefeldt collegit *Perfoon*. Aliam ex Sueciae rupestribus habeo, scutellis maioribus convexioribus, dispersis magis, neque aliter diversam.



Explicatio Figurarum.

Rupis abscissum fragmen naturali magnitudine, adstante particula auctiore mole depicta.



T A B U L A L V I I .

Fig. 2.

PATELLARIA PANTHERINA.

Patellaria pantherina, crustacea albida, scutellis depressis nigris
margine concolore cinctis contiguis excentricis.

Verrucaria pantherina Flor. Germ. 2. 184.

Ex tenui crusta albicante rimosa innumerae nascuntur scutellae confertim positae, cohaerentem crustam et etiam ea loca, ubi definit adesse, undique occupantes. Variam autem et ab antecedente figuram et structuram diversam singulae obtinent scutellae. Eae cohaerent quidem in lineas vel coacervantur in areolas, sed ipsae longe minores sunt, aequabiles depressae, quibusdam in locis impressae subrotundae, sinuosae et rugosae, proprio nigro margine instructae, etiamsi crusta saepius ita cum margine elevetur, ut eum circumlinire vel effigurare videatur.

Locus. In saxis et rupibus arenosis.

Observatio. Priori subjeci ut subspeciem hanc, utramque *Verrucariae* nomine insignivi (Flor. germ. 2. 169.) sub quo genere nunc omnes etiam militant patellariae.

Explicatio Figurarum.

Fragmen arenosi lapidis undique obtectum scutellis, quae sinistrorsum auctiori mole depictae sunt.



T A B U L A LVIII.

Fig. 1.

PATELLARIA ARENARIA.

Patellaria arenaria, crustacea leprosa cinerea albido-caesia, scutellis rufescenti ferrugineis, margine dilutiore.

Verrucaria arenaria Flor. germ. 2. 178.

Lichen arenarius, crusta leprosa pulverulenta caesia; scutellis croceo-rubris. Pers. in An. bot. 7. 27.

In lapide arenario rubro friabili, crusta vel penitus nulla vel tantum leprosa tenuis cinera. Etiam maculae hinc inde circinatim crustae instar explicatae, vel crassior crusta albido-caesia, rimosa, farinosa, granulosa.

Scutellae dispersae vel acervatim congestae, subrotundae, nunc ovatae, nunc ex mutua pressione angulosae, parvae planiusculae adpressae, disco saturate ferrugineo rufescenti, margine dilutiore rubiginoso, aureo-flavescenti, integro vel flexuoso cincto. Scutellarum caro per maturitatem saepe excidere solet et dilutum albido-flavescentem loculamentum relinquere. Humore irrigatus discus carnosior adparet, prominet marginemque fere obliterat, ferrugineo tunc facile similis, per siccitatem tamen subsidet et fere planus fit.

Locus. Ad saxum arenarium rubrum friabilem.

Explicatio Figurarum.

Fragmen lipidis dextrorsum sistit specimen fere acrufaceum; alterum sinistrorsum, crusta obductum albido-caesia. Inferius particula ad lentem, extensiori figura depicta.



T A B U L A LVIII.

Fig. 2.

PATELLARIA POLYTROPA.

Patellaria polytropa, flavo-virens scutellis conspersa plano-convexis dilute carneo-flavis.


Verrucaria polytropa, flavo-virens scutellis undique conspersa plano-convexis e dilute carneo flavescens Flor. germ. 2. 196. Lichen atro-virens WULF. in Jacq. collect. 2. 168. t. 14. f. 2.

Crusta tenuis sparsa leprosa flavo-virens, ad lentem cohaerens rimosa, succenturiata in aliis tenerrima, farinacea, superficialis atra (qualem descriperat rev. a WULFEN) frequentissimis undique confertisque feminata scutellis, ab initio exiguis, marginatis: margine sicco dilutioris coloris, dein convexis, pulvinatis subglobosis, rotundatis, angulosis, sparsis vel conglomeratis, absque margine conspicuo, aquose e flavo vel carneo-virentibus, a mutua pressione angulatis, disco hinc inde vel ipsa crusta nigro punctatis. In quibusdam exemplaribus observo scutellas discum lividum vel nigricantem marginem immutatum gerentes, quae in vicinitate priorum conspiciuntur et ad Patellariam variam potius quam ad polytropam pertinere videntur.

Locus. Saxo adspersa ex Quarzo et Steatite composito (WULF.), Granito friabili in Hercynia; Etiam Schisto.

Explicatio Figurarum.

Fragmen Schistosi lapidis scutellis et crusta penitus obtectum; particula eius lenti subiecta adiicitur.



T A B U L A LIX.

Fig. 1.

T A B U L A LX.

Fig. 3.

P S O R A R A D I O S A.

Pfora radiofa, subimbricata orbicularis crustacea, foliolis lineari-multifidis radiantibus cinereis, scutellis confertis.

Lichen radiofus, crustaceus imbricatus, foliolis obsoleto lobatis radiantibus cinereis, scutellis minimis fuscis. Enum. Lich. t. 4. f. 5.

Lichen subimbricatus, crustaceus cinereus subimbricatus, scutellis atris confertis, margine albo. RELH. cantabr. 427. c. ic.

Lichen circinnatus, orbicularis, foliis tartareis imbricatis cinereo-caesis; scutellis nigrescentibus. PERS. in An. bot. 7. 25.

Lichen radiofus, crustaceus, rimosus, cinereus, ambitu foliaceo-radiofo; tuberculis confertis, planis fulco-nigris, cinereo-marginatis.

Placodium radiofum ACHAR. in Kon. Vet. Acad. n. Handl. 15. 189. t. 6. f. 5.

Lobaria radiofa, subimbricata orbiculans depressa: foliolis lobato-multifidis radiantibus cinereis; scutellis confertis fulco nigris. Flor. Germ. 2. 157.

Orbicularis fere semper, sed rarius exacte circularis, magis tamen in prima aetate, provector plus minusve extensa, saepe in palmarem latitudinem, arctissime lapidi adnata, foliolis componitur crustaceis multifidis inciso-lobatis, subimbricatis centrifugis, in marginem eleganter dispositis et coordinatis, ex mutua pressione in rugas f. plicas elevatis, iterumque depressis. Color e cinereo in caesium vel dilute cinereum, ex hoc transit saepius in rufescentem. Detrita interior substan-

tia albescit. Ad lentem accuratius examinata foliola hinc inde quasi pruinata adparent, rimis transversis punctisque nigricantibus insignita. Ab initio exiguae sunt scutellae, areolis quasi innumeris septae, e quibus tanta proveniunt copia, ut penitus centrum orbis obfuscent. Confertissimae hae orbiculares scutellae a mutua pressione fiunt angulatae, depressae, fusci vel nigricantis coloris, margine tamen cinereo vel albido tenui distinguendo. Progressu temporis exsurgunt inter reliquas, maiores aliae, lentiformes, plano-convexae, rufo-fuscae scutellae. Etiam occurrunt orbiculi margine seu fimbria caerulefcenti-cinereo, disco fere planò, foliolisque instructi ad lentem rimosis, nigro-punctatis; in singula areola stigmata saepe numerosa.

Locus. Haud infrequens in lapide calcario, faxo, etiam rupestri.

Explicatio Figurarum.

Fig. 1. Sistit orbem mediae magnitudinis lapidi innascentem.

Tab. LX. Fig. 5. Juniorem alium ex iis, ubi ope lentis foliola planiora transversim rimosa perque superficiem punctata conspiciuntur.



T A B U L A LIX.

Fig. 2.

UMBILICARIA POLYPHYLLA.

Umbilicaria polyphylla, imbricata utrinque glabra, superne fusco-aenea, inferne atra.

Umbilicaria polyphylla. Flor. germ. 2. 109.

Ex radice peltata brevi, saepe oblitterata, rosacee explicatur frons in lobos divisa, sine ordine imbricatos et flexos, plicatos, undulatos, marginibus nunc obtusis crenatis, nunc repetito subdivisis, laciniatis, crenulatis. Centrum versus coacervantur lobuli, vel planiuscula magis simplex et parum divisa, potius lacerata, margine erosa, remanet frondis expansio. Superficies aequabilis, utrinque glaberrima, praeter aliquam aspredinem, cuti anserinae similem, in inferiore atra superficie observabilem, potissimum oculo armato. Superficies superior fusco-aenea in siccitate, olivacea humore irrigata.

Scutellae pro more huius generis contortae varieque effiguratae ratione aetatis vel magnitudinis, aterrimae, sparsae, maturitate subglobosae, fere sessiles.

Substantia rigida, tamen flexibilis, emollescit humore fitque tenax quasi subcoriacea.



Locus. Innascitur in montosis Hercyniae, praesertim Bructeri saxis et lapidibus.

Observatio. Upsaliae lecta exemplaria a b. Ehrharto, minora foliisque paucioribus et minus laciniatis marginibus crenatis, accedunt magis ad figuras Lichenis glabri ACHARII (in kongl. Vet. Acad. Handl. 15. t. 2. fig. 5. p. 95.) et DILLENII (Musc. t. 30. fig. 129.) quam hercynica nostra specimina. Plura Synonyma vix ausim subiicere in tanta specierum difficultate. Lichenem anthracinum WULF. (in Jacq. misc. 2. t. 9. fig. 4. depictum) nisi colore superioris superficiei, magis nigricante quam fulco, vix aliter differre credas.

Explicatio Figurarum.

- Fig. 1. {
a.
b. Variae aetatis et conformationis specimina.
c.
d.
e. Particula frondis infidentibus nigris punctis et scutella depicta, magnitudine naturali auctior.
f. Scutellae omnis aetatis ac figurae. Haec ad lentem considerata.





T A B U L A L X.

Fig. 1.

P S O R A M I N I A T A.

Pfora miniata, crustacea sparsa, suborbicularis; foliolis minutis
scutellisque miniatis.

Lobaria miniata. Flor. germ. 2. 158.

Lichen miniatus, crustaceus imbricatus, foliolis minutissimis linearibus miniatis, scutellis
concoloribus. Enum. Lich. 62.

In arenario saxo potissimum sparsa nudo oculo incurrit crusta plus minusve coloris miniati, quae revera oculo armato ostendit foliola et scutella distincta elegantis coloris, arctissime lapidi adnata sparsa vel in parvos orbiculos conflata rarius imbricata, frequentius centrifuga, brevissima saepe, convexa, obtusa, incisa, lineari-multifida, integra, vel fragmentata. Inter haec scutellae copiosae concolores, disco depresso, demum convexo.

L. tegularis, (Flor. germ. l. c. (praeter magnitudinem aegre distinguenda, a tenui origine sensim in orbiculos explicata, pollicaris et ultra, colore aureo, fulvo, aurantio, miniato, foliolis multifidis pulposis, incisis convexiusculis scutellisque concoloribus, affinis priori videtur, tectorum tegulis etiam rupibus innascens.

Locus. Rupes ex arenoso, calcareo vel granito saxo compositos inhabitare solet.



Observatio. Lichen pulmonarius aureus, vix conspicuus, tenuissime divisus, receptaculis florum concoloribus MICH. gen. p. 91. Ord. XXIII. n. 6. T. 43. f. 5., priori, et Lichenoides tenuissimum, scutellis exiguis miniatis DILL. musc. t. 24 f. 68. posteriori non male respondet.

Explicatio Figurarum.

Particulam Saxi sinistrorsum depicta figura Pfora miniata obductam nativa forma una cum orbiculo ad lentem augmentato sistit; Altera lapidi calcario innascens Lich. tegularis speciem prae se fert.





T A B U L A L X.

Fig. 2.

PATELLARIA GRISEO-ATRA.

Patellaria griseo-atra, crusta griseo-cinerea rimosa; scutellis atris depressis contiguis.

Verrucaria griseo-atra Flor. Germ. 2. 182.

Crusta tenuis leprosa, sparsa, arctissimo lapidi adglutinata cinereo-grisea; ad lentem rimosa, vel potius ex solidis particulis conflata hinc inde granulosis, e cinereo in cervinum colorem vergentibus. Scutellae sparsae vel contiguae crustae impositae, ab initio planae marginatae, demum convexae atrae.

Locus. In schistoso lapide ex steatite composito, nomine Lich. Fusco-atrici WOLF. e Carinthia accepi depictum exemplar.

Explicatio Figurarum.

Fragmen lapidis adpersum Lichene nativa forma, cui particula auctiori magnitudine adponitur.



V I R O

PERILLUSTRI EXPERIENTISSIMO AC AMPLISSIMO

GEORGIO L. B. AB ASCH

M. D. POTENTISS. RUSSOR. IMPERATORI A CONSILIIS
STAT. MEDICO CASTR. PRIMAR. COLLEG. IMP. MEDI-
CI SOC. PETROP. ET GOTTING. ALIARUMQUE
SODALI

HISTORIAE NATURALIS INQUE HIS REI BOTANICAE

PATRONO AMICO FAUTORI

H U N C F A S C I C U L U M

DEDITAE AC OBSTRACTAE MENTIS

SIGNIFICATIONEM

C O N S E C R A T

GEORG. FRANCISC. HOFFMANN.



T A B U L A L X I.

Fig. 1. 2.

P A T E L L A R I A G R U M O S A.

Patellaria grumosa, crusta rimosa crassa, caerulefcenti-grisea, scutellis nigrescentibus, margine crenulatis albidis.

Lichen *caerulefcentis*, saxatilis, crusta leprosa late effusa, subfarinacea, caerulefcente-cinerea; scutellis sparsis, nigrescentibus externe rugosis albicantibus *Perf. in Ann. bot.* II. 15.

Lichen *grumosus* l. c. 14. 36.

Verrucaria *grumosa*, crustacea grumosa caerulefcenti-cinerea; scutellis sparsis depressis nigris albido-marginatis crenulatis *Flor. Germ.* 2. 188.

Crusta satis crassa tartarea rimosa, dehiscens in frustula, decidua, per superficiem pulverulento-granulosa ex caerulefcenti grisea vel cinerea, subtus et intus albida, cohaerens. Scutellae sparsae pleraeque, crustae subimmerfae, aliae emergentes in superficie crustae sessiles. Discus plane niger complanatus, margine cinctus ab initio integro, ut plurimum flexuoso crenulato, albido, a crusta saepe pulverulento.



Locus. Ad faxa arenaria late effusa, margine dilutior centrum versus elevatur saepe crusta.

Explicatio Figurarum.

1. Fragmen arenarii rubri lapidis nativa forma.
2. Particula hujus ad lentem aucta, scutellis unacum et crustae particulis.



T A B U L A L^XI.

Fig. 3 - 9.

PATELLARIA SALICINA.

Patellaria salicina, crusta leprosa cohaerens vitellina; scutellis aurantiis margine pallidioribus.



Lichen salicinus, crustaceus flavus, scutellis (convexiusculis) aurantiis margine pallidioribus. *Gmel. Syst. Nat. 2. 1363. n. 103. Schrad. spic. 82.*

Verrucaria salicina, leproso-crustacea flavescens; scutellis aurantiis margine pallidioribus *Flor. Germ. 2. 197.*



Crusta oblinita quasi cortici ad lentem granulosa, vitellina vel etiam dilutius flava, quasi detrita, in cinereum frequenter evanescens. Scutellae sparsae ut plurimum tamen adproximatae, contiguae, disco depressae complanatae, convexiusculae aurantiae, margine aequabili, flexuoso, hinc inde a subjecta crusta quasi duplicato crenulato dilutiore vel flavescente, cinctae. Interior natura ejusdem cum superficie coloris, excepta fibrosa basilari compage albicante.



Locus. In arborum Cortice Salicum Göttingae vicinarum (versus Waake primum collegerunt Heyder, Schrader, Perfoon).

Explicatio Figurarum.

3. Corticis rimosi particula, scutellis contiguis.
4. Alia scutellis magis sparsis;
5. Scutellis majoribus;
6. Scutellis saturatius coloratis, crusta fere decolora;
7. Scutellis sparsis, crusta ex fusco flavescente. Haec nativa magnitudine.
8. Particulae ad lentem auctae:
9. Crusta in priori granulata, in posteriori quasi detrita.



T A B U L A L X I I .

Fig. 1 — 4.

P A T E L L A R I A C O N T I G U A .

Patellaria contigua, crustacea rimosa subcinerea, scutellis nigris depressis contiguis.

Verrucaria contigua Flor. Germ. 2. 184.

E crusta rimosa, coagmentata, plus minusve crassa, cinerea vel ex cinereo albida, innumerae contiguae nascuntur scutellae, jam ab initio a crustae glebulis distinguendae, aterrimae, in crustam quasi immerfae, vel tamen cum ea aequabiles, margine proprio concolore, disco complanato, demum convexiusculo, hinc inde leviter cicatricoso, cinctae.

Locus. In faxis Hercyniae, frequenter Byssō Jolitho adpersa.

Observatio. *Verrucaria* confluens multis modis differt, praecipue margine deficiente proprio, disco convexo nitente, majori, crusta aequabili, quae in nostra valde rimosa ex glebulis quasi composita ad lentem rugulosis, scutellis impressis minoribus consimilibus. Varietatem ideo-



que sub Lit. b. Tab. XIX, depictam potius huic subjiendam dixissem, V. cicatricosae similiorem. Nolim tamen separare.

Explicatio Figurarum.

1. Fragmen Lapidis naturali forma ac colore Lichenis.
2. Particula ad lentem aucta,
3. Peculiaris an dicam varietas? crusta albidior, scutellis crustae magis superimpositis, ab initio tamen immerfis, cujus particula
4. ad lentem aucta,



T A B U L A LXIII.

Fig. 1 — 3.

PATELLARIA MULTIPUNCTA.

Patellaria multipuncta, crusta cinereo-lactea aequabilis rimoso-tesselata; scutellis intra areolam pluribus impressis, contiguis.

Verrucaria multipuncta, crustacea cinereo-lactea aequabilis, rimoso-tesselata; scutellis intra areolam pluribus impressis contiguis, demum prorumpentibus, marginatis Flor. Germ. 2. 186.

Crusta fordide lactea aequabiliter effusa, hinc inde subcinerea, monticulosa a subjecto lapide, in areolas dehiscens quasi tessellata, quibus innascuntur scutellae plures, punctis nigris similes, distinctae, sensim contiguae, demum confluentes, ab initio complanatae proprio nigro margine instructae flexuoso, disco depresso. A crusta saepius ita cum margine elevantur, ut prominere videantur, discus convexior fit, marginemque fere obliterat.

Locus. In montosis elatis Granito innascitur. Habeo collectam Hercyniae, in monte pinifero a D. *Flörke*, Sudetis Silesiae a D. *Möfig*.

Explicatio Figurarum.

- Fig. 1. Siftit particulam faxi, crusta obductam fere aquabili, scutellis hinc inde solitariis.
 2. Fragmen extensiori magnitudine, areolis distincte tessellatis.
 3. Particula ad lentem depicta.



T A B U L A LXIII.

Fig. 4.

P S O R A H Y P N O R U M.

Pfora Hypnorum, crusta leprosa granuloso-foliolosa; scutellis rufescentibus, margine crusta concolore crenulato crispo.

-
1. *Pfora Hypnorum* Flor. Germ. 2. 166.
 2. *Pfora deaurata*, crustacea leproso-granulosa, foliolosa, flavescent; scutellis rufescentibus margine crusta concolore crispo cinctis Flor. Germ. 2. 166.
-

Crusta colore magis flavescente potissimum a priori, *Hypnorum* differt, super terram et Muscos sparsa, ad lentem foliolis sparsis granulosis quasi conflata, cui innumerae insident scutellae sat magnae concavae, planiusculae, varie flexae, rufescentes, vel ex aurantio fusci coloris, margine crusta concolore aurello, inciso, crenulato, fimbriatae.

Locus. Ad terram locis umbrosis.

Explicatio Figurarum.

Fig. 4, 5, 6. Terrae glebulae *Pfora deaurata* oblitae.

Fig. 7. Particula crustae cum scutellis ad lentem aucta.



T A B U L A LXIV.

Fig. 1 — 4.

PATELLARIA DETRITA.

Patellaria detrिता, crusta subcinerea; scutellis detritis rufescentibus, a crusta marginatis.

Verrucaria detrिता, crustacea albedo-cinerea; scutellis confertis difformibus detritis, a crusta marginatis Flor. Germ. 2. 172.

Arborum corticibus crusta arctissime adnascitur, latitudine semunciali, unciali, biunciali et triunciali, colore ex cinereo et glauco candicante, superficie centrum versus elevatiore, undiquaque accuratius conspecta, scutellis tecta. Scutellae ex crusta informi orientes, nunc subrotundae, nunc ovatae, nunc ex mutua pressione angulosae, parvae, planae in areolas cum crusta divisae, neque ultra eam elevatae, sed planissimae, detrिताe. A primo ortu colorem habent carneum, nunc rufum vel plane subfuscum, marginem a subjecta crusta acquirunt irregularem.

Locus. In arborum cortice laeviore Populi vel Betulae.

Explicatio Figurarum.

Fig. 1, 2, 3. Corticis segmenta variae aetatis ac magnitudinis Lichene obducta. Particula ad lentem conspecta.

4. Aetate provector, scutellis subfucis.



T A B U L A LXV.

Fig. 1.

PATELLARIA FUSCO-LUTEA.

Patellaria fusco-lutea, crusta granoso-glebacea albida; scutellis planis fordide fusco-luteis, margine concolore.

Lichen *fusco-luteus*, crustaceus granoso-glebaceus albidus, scutellis planis fordide luteis obsolete marginatis *Dickf. fasc. 1. 18. t. 6. f. 2*, Hort. sicc. brit. 4. n. 25.


Crusta cohaerens obducens muscos substratos, aliasque plantas emortuas, qualis in *P. upsaliensi* adesse solet, ut quasi ramulosa et granulosa videatur, etiam foliolosa. Color albidus. Scutellae in centro caespitis frequentiores, juniores globosae umbilicatae quasi farina adspersae, sensim explicatae planiusculae, marginatae: margine aequabili vel flexuoso circumductae, coloris fordide fusco vel luteo virentis, qualis in pulvere nicotianae, Spaniol vel Bolongaro dicto, conspicitur. Deterfa superficie scutellarum interior natura nigricans apparet, unde color fordidus evadit.



Locus. In alpinis, summis montium jugis scoticis primum lecta et descripta ab oculatissimo Dicksonio.

Explicatio Figurarum.

- a. Exemplar a Dicksonio lectum, et in Horto suo britannico sicco l. c. asservatum, nativa forma ac colore, substratis scutellis variae aetatis, ad lentem auctis.
- b. Aliud hujus Lichenis specimen e Tunetano regno allatum, adposita aucta scutella.





T A B U L A L X V.

Fig. 2.

P L A C O D I U M D I F F U S U M.

Placodium diffusum, subimbricatum depressum; foliolis lobato-multifidis obtusis crenatis; scutellis elevatis ferrugineo-fuscis.

-
1. Lichen *pallidus*, crustaceus imbricatus orbicularis, scutellis pallide fuscis, margine crenulato Enum. Lich. p. 66. t. 10. fig. 1, 2.

Lobaria pallidus, orbicularis centrifuga rugoso-multifida cervina farinosa; scutellis prominulis subfuscis Flor. Germ. 2. 156.

2. Lichen *diffusus*, imbricatus, foliolis lineari-multifidis obtusis crispis pulverulentis glauco-albescentibus, scutellis orbicularibus planiusculis prominulis ferrugineo-fuscis, margine crenulato albido Dickf. fasc. 3. p. 17. t. 9. fig. 6. Hort. sicc. brit. 11. n. 23.
-

In priori frons ab initio orbiculatim expansa, rugosa: rugis ex centro peripheriam versus ductis, ubique pulvere cinereo viridi vel albido conspersa, margine foliolosa: foliolis latiusculis, tenuissimis, albido cinereis, laciniatis: laciniis sinuato-crenulatis, in humido subcervinis molliusculis, in sicco appressis; subtus cinereo-albidis, versus apicem et foliolorum marginem subfuscis, radiculis brevissimis, apice saepe fissis, basi nigricantibus obsitis. Frons denique plane in pulverem resoluta inaequalis et gibbosa fit, rarissime hinc inde scutellae circa marginem collocatae subfuscae provenire solent. Alia vero specimina nec ita pulverulenta occurrunt, scutellis numerosis obsita, arcte confertis, junioribus concavis margine tenui crustae concolore, interius crenulato instructis, adultioribus pla-



nis, margine crispo pulverulento, cinctis, demum convexis irregularibus, in humido pallide fuscis, in sicco rufo-fuscis, vel nigricantibus ex apice foliorum quasi pedunculatis. Foliorum forma in hisce magis erosa, inaequalis, pulvere quasi nigricante adsperfa, quae sentim evanescunt, et glebulae solitariae irregulares, cum paucis scutellis, remanent.

In posteriori frondes magis et irregulariter diffusae, hinc inde etiam lineari-multifidae, farinosae confluentes, cum iis scutelliferis, farina distinctius ad lentem granulosa: granulis quasi pedunculatis. Scutellae sparsae hinc inde acervatae, elevatae, disco pallide vel ferrugineo-fuscae, margine crenulatae, etiam farina adsperfae. Frons e cinereo-viridi, faepissime canescit.

Locus. In cortice abietino asseribus trabibusque habitare solent.

Explicatio Figurarum.

Fig. a. Exemplar ascutelliferum.

Fig. b. — — scutellatum Lichenis pallefcentis. Annexae sunt scutellae, lente paulo augmentatae.





T A B U L A LXV.

Fig. 3.

P L A T I S M A L A C I N I A T U M.

Platisma laciniatum, depressum irregulariter laciniatum, incisum, subtus tomentosum, fuscum, punctis excavatis conspersum.



Lichen laciniatus, foliaceus, depressus rigidus, irregularis, laciniatus incisus glaber subtus tomentosus *Swartz*, prodr. 147.



Simplex Frons in lacinias divisa irregulariter ultra mediam ejus partem, iterumque incisa in angustiora segmenta margine lacinulata, hinc inde multifida. Facies prona glabra depressa, lacunis superficialibus exarata, varieque plicata, coloris in sicco e cinereo, coriaceo, vel fusco-luridi. Facies supina tomento denso brunneo, ex villo brevi spongioso, obducta in plicas seu rugas elevata, a centro peripheriam versus dilutiori. Acetabula minuta ore tenui aperta, intra villos quasi immersa, prope marginem fere nuda.

Scutellae in prona superficie sparsae, praecipue pone marginem sitae, orbiculares, sessiles, rufo-fuscae, margine subcinereo oblinitae, majores ex plano convexae, tenuiori margine cinctae.



Substantia solida membranacea, interne spongiosa a villorum congerie, eo crassior, quo centro proximior. Odor in humectato urinosus, sylvatico similis.

Locus. Depicta exemplaria debeo cel. Professori Stockholmiensi *Swartz*, qui ipse in Jamaica collegit, mecumque communicare voluit.

Explicatio Figurarum.

- a. Integrum exemplar, quale intra chartam servatum apparebat, colore ac figura nativa.
- b. Idem ab inferiori parte spectatum.





T A B U L A LXVI.

Fig. 1.

PLACODIUM ORBICULARE.

Placodium orbiculare, imbricatum depressum: foliolis margine lobatis elevatis pulverulentis.

Lichen orbicularis, crustaceus imbricatus, foliolis margine verrucosis pulverulentis, scutellis fusco-nigricantibus Enum. Lich. p. 68. t. 9. fig. 1.

Lobaria orbicularis, imbricata depressa cinerea, foliolis lobato-multifidis margine elevatis pulverulentis Flor. Germ. 2. 155.

Ab initio frons orbiculatim expansa, cortici appressa, foliolis composita imbricatis multifido-lobatis, apice incisus obtusis crenulatis; demum elevatis, sine ordine coagmentatis, margine et centro verrucoso-pulverulentis, cinereis, subtus radiculosis. Scutellae sparsae, ab initio subrotundae, margine inflexae, sensim explicatae discus apparet leviter fuscus, excidentibus tum verrucis pulverulentis caute ab iis distinguendis.

Locus. In cortice arborum intertextis saepissime Lichenibus aliis, praecipue ciliato et hispido.

Explicatio Figurarum.

- a, b, c, d, e. Variæ aetatis ac magnitudinis specimina.
f. Particula frondis ad lentem aucta.



T A B U L A LXVI.

Fig. 2.

PLATISMA CUCULLATUM.

Platisma cucullatum, erectum laciniatum complicatum: laciniis crenulatis, scutellis posticis cucullatis fuscis.

Dillen. musc. t. 21. fig. 56. B.

Lichen cucullatus, Bellardi osservaz. botaniche, 54.

Lichen cucullatus, foliaceus erectus laciniatus albus, scutellis posticis cucullatis fuscis
Smith in Trans. Linn. V. 1. p. 84. T. 4. fig. 7.

Lobaria cucullata, erecta laciniata albida, margine complicata sinuata crenulata *Flor.*
Germ. 2. 143.

Caespitis instar nascitur foliis surrectis laciniatis complicatis, intermedia quasi species inter Lich. islandicum et nivalem, ab utroque vero distinctissima. Frons undique glaberrima, multifido-laciniata: laciniis primariis conjugatis sinuatis, cum marginibus coeuntibus velut tubulosis, laciniis minoribus varie sectis ultimo crenulatis; fructiferis dilatatis rugulosis, lacunosis omnibus complicatis. Ad lentem hinc inde etiam brevissime spinulosis. Color in sicco ex candido viridi flavescens, in humido magis virescens. Basis ex fusco sanguinea. Scutellae terminales posticae, cucullatae, margine inflexo, irregulariter saepe diviso; subfuscae ex carneo, vel pallidiores. Substantia rigidiuscula in humido flaccida.



Locus. Habitat in ericetis alpinis Sabaudiae E Sudetis Silesiae
depicta exemplaria accepi a D. Archivario *Möfig.*




Explicatio Figurarum.

a, b, c. Variae magnitudinis ac aetatis exemplaria humore irrigata.



1. *patellaria
frondosa*

Tab. XLIX.



2. *patellaria
fumosa*




Capieux, frites 1795

1.



*patellaria
petraea*

2.



*patellana
aurella*



Copieus f. 1795.

Tab. LI.


1.

*patellaria
pradua*




2.

*patellaria
badia*



Capicax. Jufos 1795.

1.



patellario
glaucone

a



2.



b



3.




c




Gaspard de St. Pierre 1755.

4.




patellaria
glaucoma


5.




6.




1.



*verrucaria
furcata*



*verrucaria
2. geographica*



Gasparrini fidei. 1793

1.



*Platysma
fili*

2.



Hymanod. s. d. d.

Tab. LVI.

1.




*prova
coronata*



2.




*patellaria
calcaria*



Bejnemann. Kulp.

Tab. LVII.


1.



*Stellaria
lignosa*



2.




*Stellaria
pallidula*


Stellaria

Tab. LVIII.

1.



*patellana
ovata*



2.



*patellana
polytrypa*


patellana ovata

Tab. LVIII.

1.



*patellana
arenaria*



2.



*patellana
polytrypa*

patellana


1.

Tab. LIX.



*Mora
radioria*

2.




*umbilicaria
polyphala*

Capieux. sculpt. 1797


Tab. LX.

1



*proa
minuta*


2.



*patellaria
griseo-atra*



3.



*lurra
vagina*

Bisemann Sculp.

1



*patellana
grumosa*

2



4



3



7



*patellana
leniana*

8



5



6



9



Bossmann Del.

Capieux sculpt. 1798.

1



2



*patellaria
costigera*

4





3



Bosmann. Del.


Gaspereux. fcu. pl. 1798





1

*Potellaria
purpurea*



2

*Placodium
diffusum*




3

*Platyma
laciniatum*



Gaspard, July 1799

1.



2.



